


2008

INFORMACIJA O RADU



TUŽILAŠTVO BOSNE I HERCEGOVINE



1. UVOD

1.1. TUŽILAŠTVO BIH - OSNIVANJE I NADLEŽNOST

Tužilaštvo Bosne i Hercegovine je poseban organ Bosne i Hercegovine osnovan u cilju efikasnog ostvarivanja nadležnosti države Bosne i Hercegovine, poštovanja ljudskih prava i zakonitosti na njenoj teritoriji, efikasnijeg suzbijanja kriminaliteta i jačanja načela vladavine prava. Osnivanje ovog Tužilaštva rezultat je nastojanja predviđenih u Deklaraciji Vijeća za implementaciju mira iz decembra 1998. godine (tzv. Madridska deklaracija), kojom je jasno rečeno da Vijeće smatra da je uspostava vladavine zakona, u koji će svi građani imati povjerenja, preduslov za trajan mir, kao i za samoodrživu privredu koja će biti u stanju da privuče i zadrži strane i domaće investitore. Odluku o proglašenju Zakona o Tužilaštvu Bosne i Hercegovine donio je Visoki predstavnik za Bosnu i Hercegovinu 06. augusta 2002. godine. Navedeni zakon usvojen je u Parlamentarnoj skupštini Bosne i Hercegovine i objavljen u „Službenom glasniku BiH“ br. 42/03, čime je osnovano Tužilaštvo Bosne i Hercegovine koje je otpočelo sa radom 27. januara 2003. godine.

Tužilaštvo Bosne i Hercegovine je sui generis institucija, i u sklopu tužilačke organizacije Bosne i Hercegovine egzistira kao samostalna institucija koja nema ovlaštenja nad drugim tužilaštvima u Bosni i Hercegovini koja su organizirana u skladu sa postojećom političko-administrativnom organizacijom Bosne i Hercegovine. U odnosu na druga tužilaštva tužioci Tužilaštva BiH mogu u konkretnim predmetima, koji su u nadležnosti Suda BiH, davati potrebne upute.

Tužilaštvo Bosne i Hercegovine, kao samostalan organ, svoj rad zasniva na načelu neovisnosti u odnosu na sve sudionike u krivičnom postupku, kao i u odnosu na državne i sve druge organe javne vlasti i međunarodne organizacije, načelu jedinstvenosti djelovanja koje se ogleda u tome što svaka radnja bilo koje komponente, pri vršenju prava i dužnosti utvrđenih zakonom, predstavlja radnju tužilaštva, te načelu hijerarhije koje podrazumijeva odgovornost za rad svih uposlenika Tužilaštva Bosne i Hercegovine glavnom tužiocu.

Krivična nadležnost Tužilaštva Bosne i Hercegovine propisana je Zakonom o Tužilaštvu Bosne i Hercegovine. U skladu sa navedenim zakonom Tužilaštvo Bosne i Hercegovine nadležno je:

- za sprovođenje istrage za krivična djela za koja je nadležan Sud Bosne i Hercegovine, te za gonjenje počinitelaca pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima,
- za primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih osoba od strane sudova ili organa na području Bosne i Hercegovine i drugih država, odnosno međunarodnih sudova ili Tribunalala.

1.2. UNUTRAŠNJA ORGANIZACIJA TUŽILAŠTVA BOSNE I HERCEGOVINE

Poslovi Tužilaštva vrše se u skladu sa Ustavom i zakonima Bosne i Hercegovine, a u skladu sa Zakonom o Tužilaštvu Bosne i Hercegovine obavljaju ih glavni tužilac Bosne i Hercegovine, četiri zamjenika glavnog tužioca Bosne i Hercegovine, određeni broj tužilaca Bosne i Hercegovine, sekretar Tužilaštva i ostalo stručno i administrativno-tehničko osoblje.

Broj tužilaca Tužilaštva BiH određuje Visoko sudsko i tužilačko vijeće, a broj ostalog administrativno-tehničkog osoblja određuje se Pravilnikom o unutarnjoj organizaciji Tužilaštva BiH koji na osnovu Zakona o Tužilaštvu Bosne i Hercegovine donosi glavni tužilac, uz odobrenje Kolegija tužilaca i Visokog sudskog i tužilačkog vijeća BiH.

Tužilaštvo Bosne i Hercegovine svoju funkciju u organizacionom smislu ostvaruje kroz tri tužilačka odjela (Posebni odjel za ratne zločine, Posebni odjel za organizirani kriminal, privredni kriminal i korupciju, Odjel III - Odjel za međunarodnu pravnu pomoć i terorizam i ostala krivična djela iz nadležnosti Tužilaštva BiH) kojima rukovode zamjenici glavnog tužioca Tužilaštva Bosne i Hercegovine, Kolegij tužilaca i upravu tužilaštva - administrativni odjel, kojim neposredno rukovodi sekretar Tužilaštva Bosne i Hercegovine pod rukovodstvom glavnog tužioca.


Posebni odjel za ratne zločine bavi se procesuiranjem počinitelja krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH i u organizacionom smislu svoj rad ostvaruje kroz funkcionisanje tužilačkih timova koji su ustanovljeni prema geografsko – regionalnoj strukturi BiH.

Posebni odjel za organizirani kriminal, privredni kriminal i korupciju bavi se procesuiranjem počinitelja krivičnih djela organiziranog kriminala, privrednog kriminala i korupcije u skladu sa Internim kriterijima za raspodjelu predmeta unutar odjeljenja Tužilaštva BiH i u organizacionom smislu svoj rad ostvaruju kroz funkcionisanje tužilačkih timova.

Odjel III - Odjel za međunarodnu pravnu pomoć i terorizam i ostala krivična djela iz nadležnosti Tužilaštva BiH bavi se procesuiranjem počinitelja svih krivičnih djela iz nadležnosti Tužilaštva BiH koji nisu u nadležnosti Posebnih odjela TBiH, u skladu sa Internim kriterijima za raspodjelu predmeta unutar odjeljenja Tužilaštva BiH.

Kolegij tužilaca čine glavni tužilac, zamjenici glavnog tužioca i svi tužioci Tužilaštva. Nadležnosti istog propisane su Zakonom o Tužilaštvu BiH i Pravilnikom o unutarnjoj organizaciji i poslovanju Tužilaštva Bosne i Hercegovine.

U upravi tužilaštva (administrativni odjel) obavljaju se opći, administrativno-tehnički, pravni i materijalno-finansijski poslovi, neophodni za zakonito, blagovremeno i efikasno funkcioniranje tužilaštva, kao i poslovi informisanja javnosti.



1.3. KADROVSKA OSPOSOBLJENOST

U vremenskom periodu obuhvaćenom ovom informacijom Tužilaštvom je do odlaska na bolovanje rukovodio glavni tužilac, gosp. Marinko Jurčević, da bi zbog njegovog dužeg odsustva dana 28.02.2008. godine jedan od zamjenika glavnog tužioca, gosp. Milorad Barašin, bio imenovan za v.d. glavnog tužioca, koji je rukovodio Tužilaštvom do kraja navedenog perioda.

U tom periodu Tužilaštvo je funkcioniralo sa v.d. glavnim tužiocem na čelu i, umjesto četiri, sa tri zamjenika glavnog tužioca koji su istovremeno obavljali i funkcije šefova tužilačkih odjela. Bez obzira na navedene posebne okolnosti u kojima je funkcioniralo, Tužilaštvo je i u tom periodu u cjelosti ostvarivalo svoju funkciju.

U periodu koji je obuhvaćen ovom informacijom u Tužilaštvo su od strane Visokog sudskog i tužilačkog vijeća imenovana tri nova domaća tužioca. Imajući u vidu da je glavnom tužiocu Tužilaštva, gosp. Marinku Jurčeviću, dana 21.10.2008. godine, zbog podnošenja ostavke, prestao mandat, na kraju posmatranog vremenskog perioda u Tužilaštvo je bilo ukupno imenovanih 27 domaćih tužilaca.

Bitno je napomenuti i da se jedan od tužilaca, raspoređen u Odjel za opći kriminal, međunarodnu pravnu pomoć i terorizam, duži vremenski period obuhvaćen ovom informacijom nalazio na bolovanju.

U odnosu na ostalo stručno i administrativno-tehničko osoblje u toku 2008. godine otpočelo je sa radom novih 36 uposlenika, uključujući i 5 pripravnika – dipl. pravnika koji su primljeni na vrijeme od dvije (2) godine, tako da je na kraju posmatranog perioda bilo 116 uposlenika.

Ukupno uposlenih u Tužilaštvo Bosne i Hercegovine na kraju perioda obuhvaćenog ovom informacijom bilo je 143.

1.3.1. PODRŠKA UREDA REGISTRARA

Pored gore navedenih domaćih tužilaca u Tužilaštvo se na pozicijama tužilaca na kraju posmatranog perioda nalazilo i 9 međunarodnih tužilaca, od kojih su dva (2) zamjenici glavnog tužioca i istovremeno obavljaju poslove šefova Posebnog odjela za ratne zločine i Posebnog odjela za organizirani kriminal, privredni kriminal i korupciju, a finansira ih Ured registrara.

Navedeni Ured finansira i 49 osoba (domaće i međunarodno stručno i administrativno-tehničko osoblje) koje pružaju podršku radu Posebnog odjela za ratne zločine i Posebnog odjela za organizirani kriminal, privredni kriminal i korupciju.

Ured registrara za Odjel I i II Suda Bosne i Hercegovine i Posebne odjele Tužilaštva BiH (Posebni odjel za organizirani, privredni kriminal i korupciju i Posebni odjel za ratni zločin) uspostavljen je 2004. godine, međunarodnim Sporazumom zaključenim između Predsjedništva BiH i visokog predstavnika za BiH, u namjeri osiguranja administrativne i logističke potpore procesuiranju i suđenju počiniocima krivičnih djela kršenja međunarodnog humanitarnog prava, te krivičnih djela organiziranog, privrednog kriminala i korupcije, a u skladu sa Zakonom o Sudu BiH i Zakonom o Tužilaštvo BiH, upravljanja procesom odabira i angažovanja, kako međunarodnih sudija Suda Bosne i Hercegovine, tako i međunarodnih tužilaca, koji se imenuju u posebne odjele Tužilaštva BiH, te upošljavanja i finansiranja dodatnog domaćeg i međunarodnog osoblja za potporu rada Odjela I i II Suda Bosne i Hercegovine i Posebnih odjela Tužilaštva Bosne i Hercegovine (pravno i administrativno osoblje). Troškovi Ureda registrara pokrivaju se iz donacija i dobrovoljnih priloga donatora.

Ovlaštenja Ureda registrara, prema ovom Sporazumu, uspostavljena su tako da, nakon perioda od pet (5) godina prisustva međunarodnih sudija u Sudu BiH i međunarodnih tužilaca u Tužilaštvo BiH, pređu na domaće nadležne organe.

Dana 26.09.2006. godine visoki predstavnik za Bosnu i Hercegovinu i Predsjedništvo Bosne i Hercegovine zaključili su Sporazum o Uredu registrara i formiranju Tranzicijskog vijeća koga čine predsjednik Suda BiH, glavni tužilac Tužilaštva BiH, predsjednik Visokog sudskog i tužilačkog vijeća BiH, ministar pravde BiH, ministar finansija i trezora BiH, direktor Direkcije za evropske integracije, te registrari za Odjel I i II Suda BiH i registrara za Posebne odjele Tužilaštva BiH.

Navedenim je osigurana osnova za proces tranzicije osoblja, resursa i sastava Ureda registrara u domaće institucije, te je uspostavljen okvir u sklopu kojeg će Ured registrara nastaviti rad u skladu sa svojim mandatom do potpune integracije u institucije BiH.

Navedena tranzicija je još uvijek u toku.

1.4. REGISTAR PREDMETA

Na ovom mjestu, a radi lakšeg praćenja dalje sadržine ove Informacije navodi se na koji način, prema odredbama Pravilnika o unutarnjoj organizaciji i poslovanju Tužiteljstva BiH, se vode registri predmeta u Tužilaštvu BiH:

KT	krivični upisnik za fizičke i pravne osobe – poznati počinioci
KT-RZ	krivični upisnik za počinioce krivičnog djela ratnog zločina
KTN	krivični upisnik za nepoznate počinioce
KTN-RZ	krivični upisnik za nepoznate počinioce krivičnog djela ratnog zločina
KTM	krivični upisnik za maloljetne počinioce
KTZ	krivični upisnik za predmete međunarodne pravne pomoći i ekstradicije
KTA	upisnik raznih krivičnih predmeta
KTA-RZ	krivični upisnik raznih krivičnih predmeta ratnog zločina
A i A-RZ	upisnik za ostale administrativne poslove

2. ODJELI TUŽILAŠTVA BOSNE I HERCEGOVINE

2.1. POSEBNI ODJEL I - POSEBNI ODJEL ZA RATNI ZLOČIN

Posebni odjel za ratne zločine Tužilaštva BiH se bavi procesuiranjem počinitelja krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH. Odjel I je započeo sa radom 09.03.2005. godine, nakon što je usvojen paket zakona u Parlamentu BiH, koji su bili nužni da bi se stekli uvjeti da se predmeti Međunarodnog krivičnog suda za bivšu Jugoslaviju (MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice za pravila puta MKSJ, koja je do svog zatvaranja vršila pregled predmeta ratnih zločina. Cilj uspostavljanja ovog odjela Tužilaštva je potreba procesuiranja i kažnjavanja osoba odgovornih za djela protiv čovječnosti i vrijednosti zaštićenih međunarodnim humanitarnim pravom, kao jedan od osnovnih preduvjeta za napredak Bosne i Hercegovine na putu ka evropskim integracijama i suočavanja sa prošlošću i postupnog pomirenja na unutrašnjem planu.

Cijeneći činjenicu da su u Bosni i Hercegovini u periodu oružanih sukoba od 1992. do 1995. godine počinjena teška, masovna i sistematska kršenja međunarodnog humanitarnog prava, može se reći da Posebni odjel za ratne zločine Tužilaštva BiH ima težak i zahtjevan zadatak da adekvatno odgovori na očekivanja u pogledu uloge koju krivično-pravni sistem ima u procesuiranju ratnih zločina u Bosni i Hercegovini.

2.1.1. DRŽAVNA STRATEGIJA ZA RAD NA PREDMETIMA RATNIH ZLOČINA

U septembru 2007. godine Ministarstvo pravde BiH je osnovalo Radnu grupu za izradu državne strategije za rad na predmetima i rješavanje pitanja vezanih za ratne zločine sa ciljem da se pronađe sistematski pristup u rješavanju velikog broja predmeta ratnih zločina. Rukovodeći kadar Posebnog odjela za ratne zločine Tužilaštva BiH je uzeo aktivno učešće u pomenutoj radnoj grupi.

Osnovni razlozi za opredjeljenje za izradu Državne strategije za rad na predmetima ratnih zločina (Strategija) jesu: postojanje velikog broja neriješenih predmeta ratnih zločina, nepostojanje jedinstvenih i egzaktnih podataka o broju i prirodi otvorenih predmeta ratnih zločina, neujednačenost sudske prakse u predmetima ratnih zločina koji se vode pred sudovima entiteta, Brčko Distrikta BiH i Sudom BiH, nedostaci u upravljanju predmetima ratnih zločina od 2003. godine od kada se primjenjuje novo krivično zakonodavstvo kojim je propisana isključiva nadležnost Suda BiH, odnosno Tužilaštva BiH, nekonzistentna praksa pregleda, preuzimanja i ustupanja predmeta ratnih zločina između Suda i Tužilaštva BiH i drugih sudova i tužilaštava, te nedostatak usaglašenih kriterija za ocjenu osjetljivosti i složenosti predmeta, nezadovoljavajući stepen saradnje na regionalnom nivou u radu na predmetima ratnih zločina, te nedovoljna podrška i zaštita svjedoka i žrtava u predmetima ratnih zločina na sudovima i tužilaštvima širom BiH.

Strategija je usvojena na 71-oj sjednici Vijeća ministara koja je održana dana 29.12.2008. godine, a provođenje usvojene strategije će se odvijati u cilju: procesuiranja najsloženijih i najprioritetnijih predmeta ratnih zločina u roku od 7 godina, te procesuiranje ostalih predmeta ratnih zločina u periodu od 15 godina od usvajanja Strategije, centralizovanje i ažuriranje evidencija o svim predmetima ratnih zločina na nivou Suda i Tužilaštva BiH, osiguranje funkcionalnog mehanizma upravljanja predmetima ratnih zločina, odnosno njihovog raspoređivanja između državnog pravosuđa i pravosuđa entiteta i Brčko Distrikta, prioritarno procesuiranje najodgovornijih učitelja pred Sudom BiH, ujednačavanje sudske prakse u predmetima ratnih zločina, ojačanje kapaciteta pravosuđa i policije u čitavoj BiH za rad na predmetima ratnih zločina, ostvarivanje efikasnije saradnje sa zemljama u regionu, osiguranje jednakog tretmana svih žrtava i svjedoka u postupcima pred svim sudovima u BiH i uspostavljanje zakonskih okvira za sprovođenje mjera usvojenih u Strategiji i ostvarivanju njenih ciljeva.

Vijeće ministara BiH formirat će stalni i stručni Nadzorni organ koji će pratiti provođenje strategije, a u čiji sastav će biti imenovani predstavnici ministarstava pravde, finansija i trezora BiH, Federacije BiH, Republike Srpske i odgovarajućih institucija Brčko Distrikta BiH, kao i VSTV-a. Nadzorni organ će podnositi kvartalne izvještaje Vijeću ministara o izvršavanju mjera iz Strategije.

2.1.2. PROJEKAT IZRADE BAZE PODATAKA

Posebni odjel za ratne zločine usko saraduje i ulaže napore u ostvarivanju zajedničkog cilja implementacije projekta baze podataka, odnosno centralizovane evidencije o svim nezavršenim predmetima ratnih zločina u BiH, a što predstavlja jednu od ključnih komponenti Državne strategije za ratne zločine. U skladu sa Memorandumom o razumijevanju koji je zaključen 28.01.2008. godine, između Vlade Kraljevine Norveške, Visokog sudskog i tužilačkog vijeća, Tužilaštva BiH i Organizacije za sigurnost i saradnju u Evropi, Misija za Bosnu i Hercegovinu, Tužilaštvo BiH je završilo proces upošljavanja odgovornih ljudi za implementaciju projekta. Tužilaštvo BiH će obezbijediti stalne materijalne i ljudske resurse za kontinuirani rad na centralizovanoj evidenciji, a sva tužilaštva će redovno dostavljati izvještaje o predmetima ratnih zločina Tužilaštvu BiH.

2.1.3. SMJERNICE U RADU POSEBNOG ODJELA ZA RATNE ZLOČINE

U Posebnom odjelu za ratne zločine je formulisan interni set standarda za korištenje instrumenata priznanja krivnje i sporazuma o priznanju krivnje, te imuniteta u predmetima ratnih zločina. Pomenute smjernice će biti podložne redovnom ažuriranju, a njihova primjenjivost će se cijeliti u odnosu na svaki konkretan predmet. Ovi instrumenti su efikasno korišteni kao u nekolicini predmeta ratnih zločina u toku izvještajnog perioda, a što pokazuje podatak da su u 6 predmeta protiv 6 osoba na osnovu zaključenog sporazuma o priznanju krivnje donesene osuđujuće presude sa izrečenim kaznama zatvora.

2.1.4. SARADNJA TUŽILAŠTVA BiH SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)

Intenzivna saradnja Tužilaštva Bosne i Hercegovine sa Međunarodnim krivičnim sudom za bivšu Jugoslaviju je veoma značajna i ona se kontinuirano odvija od uspostavljanja Posebnog odjela za ratne zločine i svakodnevno se unaprjeđuje.

U toku izvještajnog perioda iznašli su se načini poboljšanja saradnje vezano za rad Posebnog odjela za ratne zločine na predmetima „kategorije II“, odnosno na predmetima koji su ustupljeni Tužilaštvu BiH, a na kojima Ured tužioca MKSJ nije okončao istragu. Mehanizmi podrške i pomoći MKSJ u radu na ovim predmetima ogledaju se u organizovanju video linkova između tužilačkog tima koji je zadužen za konkretan predmet iz „kategorije II“ i Tima za tranziciju MKSJ, zatim redovnoj razmjeni dokaza i drugog materijala u predmetu, organizovanju češćih posjeta Hagu sa konkretnim ciljem, te drugim vidovima konsultacija.

U velikom broju predmeta u kojima postupaju tužioci Posebnog odjela za ratne zločine sve je izraženija potreba da se traži izmjena, ukidanje ili povećanje mjera zaštite svjedoka koje su odredila pretresna vijeća MKSJ prema pravilu 75 (H) Pravilnika o postupku i dokazima MKSJ-a. Naime, MKSJ je izdao praktična uputstva koja regulišu postupak aplikacije i izmjene zaštitnih mjera koje su određene u postupcima pred MKSJ. Posebni odjel za ratne zločine je u saradnji sa Sudom BiH doprinio u razjašnjavanju i pojednostavljivanju postupka za izmjenu mjera zaštite izradom standardnog obrasca za dobijanje odobrenja suda, kojeg je odobrio predsjednik MKSJ.

U toku 2008. godine Tužilaštvo BiH sudjelovalo je i u aktivnostima pokrenutim od strane Međunarodnog krivičnog suda za bivšu Jugoslaviju, a koje se odnose na uspostavu saradnje između tužilaštava regiona Zapadnog Balkana i njihove saradnje sa tužilaštvom pri MKSJ. Konferenciji, koja je održana u maju na Brijunima, Hrvatska, prisustvovali su najviši dužnosnici Tužilaštva BiH, kao i predstavnici tužilaštava susjednih zemalja, uključujući i glavnog tužioca pri MKSJ, Serge-a Brammertz-a i šefa Odjela za istrage tužilaštva pri MKSJ, Patrick Lopess-Terres-a. Na ovim sastancima dogovarane su aktivnosti oko uspostave baze podataka o predmetima ratnih zločina, kako bi se izbjeglo dupliranje procesa, kao i ostalim pitanjima vezanim za stručna pitanja iz oblasti rada na predmetima ratnih zločina, kao i koordinaciji saradnje sa MKSJ.

Također, posebna pažnja posvećivana je analitičkom i stručnom pristupu problemu nepostojanja kvalitetnih evidencija predmeta ratnih zločina, kao i rješavanju tih problema i najboljim modalitetima za vođenje tačnih i pouzdanih evidencija o predmetima. Na sastancima je razgovarano i o saradnji domaćih pravosudnih organa sa tužilaštvom pri MKSJ i Haškim tribunalom u radu na predmetima koji tretiraju iste događaje za vrijeme rata u bivšoj Jugoslaviji, a protiv različitih osumnjičenih i optuženih osoba, kao i koordinaciji rada na tim predmetima i što boljoj saradnji između pravosudnih organa u BiH i MKSJ.

Tokom izvještajnog perioda Posebni odjel za ratne zločine nastavlja uspješnu saradnju sa MKSJ-om u vezi hapšenja optuženika koji se nalaze u bjekstvu, Tužilaštvo BiH koordinira rad sa Tužilaštvom MKSJ-a i domaćim agencijama za provođenje zakona. Sve vrste informacija i saznanja koje su Tužilaštvu BiH

dostupne, Tužilaštvo BiH ustupa Tužilaštvu MKSJ-a. Tužilaštvo BiH koordinira svoj rad sa međunarodnim i domaćim agencijama za provođenje zakona, te se sve operacije izvode zajednički.

Posebni odjel za ratne zločine je takođe aktivan u radu na predmetima istrage i procesuiranja osoba koje su osumnjičene da pružaju potporu glavnim optuženima za ratne zločine, te se u tom smislu ostvaruje bliska saradnja sa Tužilaštvom MKSJ-a i domaćim agencijama za provođenje zakona.

Tužilaštvo BiH je uložilo velike napore u radu na 11bis predmetima, odnosno na predmetima koji su po Pravilima 11bis Pravilnika o postupku i dokazima MKSJ ustupljeni na nadležnost Sudu BiH. To su predmeti u kojima je Tribunal potvrdio optužnicu, ali nije započeo suđenje, no sudsko vijeće Tribunala donijelo je pravosnažnu odluku da se predmet ustupi domaćem pravosuđu na dalje postupanje.

Posebni odjel za ratne zločine Tužilaštva BiH 11bis predmeta ukupno je zaprimio 6 protiv 10 osoba, nakon čega su postupajući tužioci u ovim predmetima prilagodili optužnice Tribunala u skladu sa domaćim krivičnim zakonodavstvom, nakon čega ih je Sud BiH prihvatio/potvrdio.

U toku izvještajnog perioda predmet protiv Željke Mejakića i dr. je okončan na način da je Sud BiH dana 22. aprila 2008. godine, nakon razmatranja i prihvatanja sporazuma o priznanju krivnje sklopljenog između Tužilaštva BiH i optuženog Dušana Fuštara, izrekao presudu kojom je Dušan Fuštar oglašen krivim za zločin protiv čovječnosti, te kažnjen sa 9 (devet) godina zatvora. U odnosu na ostale optužene u ovom predmetu dana 30. maja 2008. godine, Sud je donio prvostepenu presudu kojom je Željko Mejakić oglašen krivim za krivično djelo zločin protiv čovječnosti i osuđen na kaznu dugotrajnog zatvora u trajanju od 21 godine, Momčilo Gruban krivim za krivično djelo zločin protiv čovječnosti i osuđen na kaznu zatvora u trajanju od 11 godina; Duško Knežević oglašen je krivim za krivično djelo zločin protiv čovječnosti i osuđen je na kaznu dugotrajnog zatvora u trajanju od 31 godine.

U odnosu na optuženog Ljubičić Paška Sud BiH je dana 29. aprila 2008. godine, a nakon razmatranja i prihvatanja sporazuma o priznanju krivnje sklopljenog između Tužilaštva BiH i optuženog Ljubičića, izrekao presudu kojom je oglasio krivim Paška Ljubičića za krivično djelo ratni zločin protiv civilnog stanovništva, te ga osudio na kaznu zatvora u trajanju od 10 (deset) godina.

Sudeće vijeće je 28. februara 2008. godine izreklo prvostepenu presudu kojom su Mitar Rašević i Savo Todović oglašeni krivim za krivično djelo zločin protiv čovječnosti. Mitar Rašević osuđen je na kaznu zatvora u trajanju od 8 (osam) godina i 6 (šest) mjeseci, a Savo Todović na kaznu zatvora u trajanju od 12 (dvanaest) godina i 6 (šest) mjeseci.

U 11bis predmetu protiv optuženog Milorada Trbića u toku je glavni pretres i Tužilaštvo je završilo izvođenje dokaza.

Slijedom navedenog, može se reći da su tužioci Posebnog odjela za ratne zločine u relativno kratkom roku postigli zavidne rezultate u rješavanju teških i komplikovanih 11bis predmeta.

Tužilaštvo BiH može istaći da je dosadašnji uspješan rad na procesuiranju predmeta ratnih zločina postignut u velikoj mjeri zahvaljujući kontinuiranoj i uspješnoj saradnji sa Tužilaštvom MKSJ.

2.1.5. ORGANIZACIJA POSEBNOG ODJELA ZA RATNE ZLOČINE

Posebni odjel za ratne zločine Tužilaštva BiH svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH: Tim 1-sjeverozapadna Bosna i dio Posavine, Tim 2-središnja Bosna, Tim 3-istočna Bosna-dolina Drine i dio Posavine, Tim 4-Sarajevo i istočna Bosna uključujući Foču, Tim 5-zapadna Hercegovina i dolina Neretve i specijalni Tim 6 za područje Srebrenice. Tužilački timovi u svom sastavu imaju po jednog ili dva domaća tužioca, međunarodnog tužioca, zatim pravne saradnike, koordinate predmeta, istražitelje i ostalo osoblje koje pruža pomoć tužiocima u radu.

Tužilačkim timovima podršku u radu pružaju i pravni savjetnici, analitičari, referenti za dokazni materijal, kao i ostalo administrativno osoblje.



2.1.6. KADROVSKA STRUKTURA POSEBNOG ODJELA ZA RATNE ZLOČINE

U odnosu na 2007. godinu nije se posebno brojčano izmijenila kadrovska struktura Odjela u pogledu domaćeg osoblja koje pruža stručnu i logističku pomoć tužiocima u radu.

Odlukom Visokog sudskog i tužilačkog vijeća od 30.10.2008. godine imenovan je jedan tužilac Tužilaštva BiH, koji je raspoređen u Posebni odjel za ratne zločine.

U toku izvještajnog perioda domaći kadar u Posebnom odjelu za ratne zločine sačinjavao je v.d. glavnog tužioca, koji je ujedno bio i zamjenik rukovodioca Posebnog odjela za ratne zločine, 13 tužilaca, jedan stručni savjetnik, 11 stručnih saradnika, 4 istražitelja, 6 koordinatora predmeta, 5 analitičara, 3 referenta za unos podataka i 14 daktilografa.

Također, u Posebnom odjelu za ratne zločine radi jedan broj uposlenika koje finansira Ured registrara, i to: zamjenik glavnog tužioca i rukovodilac Odjela, 5 međunarodnih tužilaca, od kojih su dva međunarodna tužioca prestala sa vršenjem funkcije u 2008. godini, jedan međunarodni konsultant-pravnik, jedan domaći stručni savjetnik, 7 međunarodnih saradnika, 4 međunarodna istražitelja, jedan domaći istražitelj, 11 prevodilaca, 6 međunarodnih pripravnika, 9 domaćih pripravnika i 2 administrativna asistenta.

2.1.7. STRUKTURA PREDMETA U POSEBNOM ODJELU ZA RATNI ZLOČIN

U strukturi predmeta ratnih zločina potrebno je razlikovati dvije grupe predmeta:

1. Predmeti ratnih zločina koji su zaprimljeni u rad nakon stupanja na snagu novih krivičnih zakona 1. marta 2003. godine, koji predmeti su po zakonu u isključivoj nadležnosti Suda i Tužilaštva BiH, te se jedino mogu ustupati drugim sudovima i tužilaštvima po članu 27. Zakona o Krivičnom postupku BiH (ZKP BiH) (prenošenje vođenja postupka).
2. Predmeti ratnih zločina koji su zaprimljeni u rad kod sudova i tužilaštava u entitetima i Brčko Distriktu BiH prije stupanja na snagu ZKP BiH iz 2003. godine u kojima tada optužnica nije bila stupila na snagu, odnosno nije bila potvrđena. Ti sudovi i tužilaštva dužni su završiti ove predmete, izuzev ako Sud BiH ne odluči da preuzme takav predmet.

Međutim, postoji jasna opredijeljenost države BiH da se najsloženiji predmeti ratnih zločina iz obje navedene grupe procesuiraju pred Sudom i Tužilaštvom BiH, a da se predmeti koji se ocijene kao manje složeni procesuiraju pred kantonalnim, okružnim sudovima i tužilaštvima entiteta i Osnovnim sudom, odnosno Tužilaštvom Brčko Distrikta BiH.

Kao što je već naglašeno, pored pomenutih osnovnih grupa predmeta Posebni odjel za ratne zločine postupuje i u predmetima koji se, po Pravilima 11bis Pravilnika o postupku i dokazima MKSJ, ustupaju Sudu Bosne i Hercegovine, te predmetima u kojima Tužilaštvo MKSJ-a nije završilo istrage (Predmeti „kategorije II“).

2.1.7.1. KT-RZ PREDMETI

U Posebnom odjelu za ratne zločine Tužilaštva BiH, tokom 2008. godine, u radu je bilo 659 KT-RZ predmeta protiv 3.580 osoba, a od tog broja tokom 2008. godine zaprimljeno je 85 predmeta protiv 386 osoba.

Tužioci ovog Odjela, u 2008.g., donijeli su 50 naredbi o sprovođenju istrage protiv 107 osoba. U 229 predmeta u odnosu na 956 osoba su istrage prenešene iz ranijih perioda. U 2 predmeta protiv 10 osoba donesene su naredbe o nesprovođenju istrage, a u 11 predmeta protiv 26 osoba donesene su naredbe o obustavi istrage.


U 2008. godini tužioci Posebnog odjela za ratne zločine su, nakon sprovedenih istraga protiv 30 osoba, podigli 23 optužnice, od kojeg broja su 22 optužnice protiv 29 osoba potvrđene u 2008. godini, a za jednu optužnicu protiv jedne osobe je odbijeno potvrđivanje.

Tužioci ovog odjela su u 6 predmeta u odnosu na 6 osoba sklopili sporazume o priznanju krivnje sa optuženim, koje sporazume je Sud BiH prihvatio, te izrekao osuđujuće presude sa izrečenim zatvorskim kaznama.

Posebni odjel za ratne zločine je tokom 2008. godine za krivično djelo Genocid iz člana 171. KZ BiH optužio 5 osoba, za krivično djelo Zločin protiv čovječnosti iz člana 172. KZ BiH ukupno 14 osoba, za krivično djelo Ratni zločin protiv civilnog stanovništva iz člana 173. KZ BiH ukupno 8 osoba i za krivično djelo Organiziranje grupe ljudi i podstrekavanje na učinjenje krivičnih djela genocida, zločina protiv čovječnosti i ratnih zločina iz člana 176. KZ BiH ukupno 3 osobe.

Rješavajući po optužnicama ovoga Odjela, tokom 2008. godine, Sud BiH je nakon provedenog postupka u 19 predmeta protiv 42 osobe donio prvostepene presude, od kojih presuda je 16 osuđujućih u odnosu na 35 osoba i 3 oslobađajuće u odnosu na 6 osoba. Tužioci ovog odjela su protiv 9 presuda u odnosu na 12 osoba uložili žalbe.

Sud BiH je u 9 predmeta protiv 9 osoba donio drugostepene presude, od kojih je 8 presuda u odnosu na 8 osoba osuđujućih u kojima je izrečena kazna zatvora u ukupnom trajanju od 93 godine i 6 mjeseci, a u jednom predmetu protiv jedne osobe donio drugostepenu oslobađajuću presudu.



Grafički prikaz rada na KT predmetima u Odjelu za ratne zločine u 2008. godini

2.1.7.2. KTA-RZ PREDMETI


Tužiocima Posebnog odjela tokom 2008.g. bili su zaduženi sa 885 KTA-RZ predmeta, od kojih je 648 predmeta kao neriješenih preneseno iz ranijih godina, a u 2008. godini je zaprimljeno 237 predmeta. U toku izvještajnog perioda ukupno je riješeno 129 KTA-RZ predmeta.

2.1.7.3. KTN-RZ PREDMETI

Također, tužiocima Posebnog odjela su 2008.g. u radu imali 245 KTN-RZ predmeta, od kojih je preneseno kao neriješeno 209 predmeta iz ranijih godina, a u 2008. godini je ukupno zaprimljeno 36 KTN-RZ predmeta, od kojeg broja je riješeno 19 predmeta.

2.1.7.4. A-RZ PREDMETI

Posebni odjel za ratne zločine je u 2008. godini imao u radu i 341 A-RZ predmet, od kojih je 90 predmeta ostalo u radu Tužilaštva iz ranijih godina, dok je u 2008. godini Tužilaštvo zaprimilo 251 predmet. Na kraju izvještajnog perioda ukupno je riješeno 189 A-RZ predmeta.



Grafički prikaz KTA-RZ, KTN-RZ i A-RZ predmeta u 2008. godini

2.1.8. OSTALE PROCESNE AKTIVNOSTI

Optužnice, žalbe, naredbe o sprovođenju istrage, naredbe o obustavi istrage, naredbe o nesprovođenju istrage, te okončani KTA-RZ i KTN-RZ predmeti, nisu jedini rezultati rada tužilaca Posebnog odjela za ratne zločine Tužilaštva BiH.

Naime, tužioci Posebnog odjela su postupajući po naredbama za sprovođenje istrage tokom 2008. godine, u svojstvu svjedoka saslušali 1.306 osoba, Državnoj agenciji za istrage i zaštitu podnijeli veliki broj naredbi za preduzimanje istražnih radnji, izdali Državnoj agenciji za istrage i zaštitu više naredbi za lišenje slobode osoba osumnjičenih za krivična djela ratnog zločina. Pred Sudom Bosne i Hercegovine, u postupcima vođenim po optužnicama Posebnog odjela, održana su u 2008. godini 903 glavna pretresa. Ovi podaci također ukazuju da je veliki broj zakazanih ročišta pred Sudom Bosne i Hercegovine, obzirom na kompleksnost i obimnost predmeta ratnih zločina, te također da, zbog zauzetosti sudija i sudnica, suđenja u gotovo svakom predmetu traju dugo, u prosjeku po godinu i godinu i po dana.

2.1.9. MJERE OSIGURANJA PRISUSTVA OSUMNJIČENOG, ODNOSNO OPTUŽENOG U RADU POSEBNOG ODJELA ZA RATNE ZLOČINE

U toku izvještajnog perioda Sud BiH je po prijedlozima tužilaca Posebnog odjela za ratne zločine odredio pritvor u 9 predmeta prema 16 osoba. Od ukupnog broja određenih pritvora većina se odnosila na pritvore protiv osoba osumnjičenih, odnosno optuženih za krivična djela iz člana 173. KZ BiH, Ratni zločin protiv civilnog stanovništva (2 pritvorene osobe) i iz člana 172. KZ BiH, Zločin protiv čovječnosti (10 pritvorenih osoba), zatim 4 pritvorene osobe za krivično djelo Genocid iz člana 171. KZ BiH.

Sud BiH se u odnosu prema 5 osoba u pet predmeta opredijelio za izricanje blaže mjere za osiguranje prisustva osumnjičenog/optuženog propisane članom 126. ZKP BiH i to: zabrana napuštanja mjesta boravišta, oduzimanje putnih isprava, zabrana sastajanja s određenim osobama, te uz obavezno javljanje u nadležnu policijsku stanicu. Takođe, u dva predmeta u odnosu na dvije osobe mjera pritvora je odlukom Suda BiH zamijenjena blažom mjerom i to jamstvom propisanim članom 127. ZKP BiH.

2.1.10. PROBLEMI S KOJIMA SE SUOČAVA POSEBNI ODJEL ZA RATNI ZLOČIN

Efikasna regionalna saradnja je jedan od osnovnih preduslova za vođenje krivičnih postupaka u predmetima ratnih zločina.

Naime, evidentno je nepostojanje pravnog okvira kojim bi se regulisala regionalna saradnja, a naročito ako se uzme u obzir da mnogi osumnjičeni za krivična djela ratnog zločina na teritoriji BiH, pored državljanstva Bosne i Hercegovine, istovremeno posjeduju državljanstva susjednih država. Kako relevantne ustavne odredbe susjednih zemalja onemogućavaju izručenje njihovih državljana, moguće je, a to se već i desilo u praksi, da osobe koje bi nakon sprovedene istrage bile optužene, ostanu nedostupne organima gonjenja Bosne i Hercegovine jednostavnim prelaskom državne granice, te da rad tužilaca po otvorenim istragama ostaje bez optužnice, kao konačnog rezultata, jer tužilac, bez saslušanja osumnjičene osobe, ne može podići optužnicu.

Sve ovo ukazuje da rješavanje problema suđenja za ratne zločine počinjene na teritoriji bivše Jugoslavije prelazi iz pravnih u političke okvire i ovisi prvenstveno o političkoj volji država da li će svoje unutrašnje pravo prilagoditi obavezi omogućavanja suđenja počiniocima ratnih zločina u skladu sa međunarodnim sporazumima.

Nadalje, zbog same prirode sukoba u Bosni i Hercegovini, jedan broj potencijalnih svjedoka i materijalnih dokaza, nalazi se u susjednim državama - Srbiji, Crnoj Gori i Hrvatskoj, što dodatno ograničava njihovu dostupnost.

Činjenica je da su tokom 2005. godine zaključeni sporazumi o saradnji između glavnih tužilaca Srbije, Crne Gore, Hrvatske i Bosne i Hercegovine u cilju rješavanja pitanja složenih postupaka pružanja međunarodne pravne pomoći u krivičnim stvarima, te pojednostavljenja razmjene dokaznog materijala i drugih informacija u predmetima ratnih zločina, međutim pomenuti sporazumi nisu na odgovarajući način riješili pitanja ustupanja predmeta ratnih zločina u slučaju pluraliteta krivičnog gonjenja i izručenja državljana u slučaju dvojnog državljanstva.

Tužilaštvo Bosne i Hercegovine se tokom sprovođenja istraga u predmetima ratnih zločina suočava sa velikim poteškoćama, naročito kada je u pitanju pribavljanje dokaza. Jedan od najvećih problema predstavlja dostupnost tih dokaza i to kako objektivnih, tako i personalnih.

Naime, kada su u pitanju svjedoci, zasigurno je da je protok vremena od učinjenja krivičnog djela uticao na to da istima sjećanje blijedi, kao i da su određeni ključni svjedoci u međuvremenu preminuli.

Također, kao problem se javlja i to što se jedan broj svjedoka nalazi izvan granica Bosne i Hercegovine, te je zbog toga njihov dolazak pred Tužilaštvo i Sud otežan, jer često nisu u poziciji da dođu, i njihov je dolazak skup.

Veliki problem prilikom procesuiranja ovih krivičnih djela predstavljaju i sami svjedoci, koji su sve manje voljni da svjedoče, sve se manje sjećaju događaja, te često na glavnom pretresu mijenjaju iskaze date u istrazi.

Činjenica je da svjedoci nerado svjedoče u predmetima ratnih zločina, a to je umnogome posljedica kako stvarnog pritiska i ugroženosti svjedoka, tako i njegovog osobnog doživljaja i povjerenja u organe pravosuđa, što može dovesti do njihovog nepouzdanog svjedočenja, što opet utiče na pravičan i efikasan sudski postupak.

Tužioci se suočavaju sa brojnim poteškoćama kada je u pitanju pribavljanje materijalnih dokaza. Naime, često su suočeni sa nedovoljnom angažovanošću državnih i entitetskih organa u BiH u ispunjavanju njihove obaveze prema Tužilaštvu BiH, odnosno na dostavu tražene dokumentacije, gdje u nekim slučajevima tužilac, i pored upućenih urgencija, na istu čeka i po nekoliko mjeseci.


Takođe se nameće problem smještaja novoprimljenih uposlenika Tužilaštva BiH, s obzirom da su svi smještajni kapaciteti Odjela I već popunjeni. Posebno se treba uzeti u obzir potreba za imenovanjem novih tužilaca u Odjelu i, kao i ostalog osoblja, što će svakako izazvati još veće probleme u odnosu na postojeće smještajne kapacitete.

2.2. POSEBNI ODJEL II - POSEBNI ODJEL ZA ORGANIZOVANI KRIMINAL, PRIVREDNI KRIMINAL I KORUPCIJU

Posebni odjel za organizovani kriminal, privredni kriminal i korupciju (Posebni odjel II) uspostavljen je formiranjem Tužilaštva Bosne i Hercegovine (Tužilaštvo BiH) u 2003. godini odlukom Visokog predstavnika za Bosnu i Hercegovinu, kada su odjel sačinjavali isključivo međunarodni tužioc, ovlašteni u skladu sa izmjenama i dopunama Zakona o Tužilaštvu BiH.

Ispunjavajući ciljeve postavljene pred Tužilaštvo BiH, u skladu sa planom zamjene međunarodnog osoblja, u Posebni odjel II su postepeno raspoređivani domaći tužioc, te je na kraju 2008. godine u Posebnom odjelu II radilo ukupno 5 međunarodnih i 6 domaćih tužilaca, raspoređenih u više tužilačkih timova.

Tužiocima u radu na predmetima stručnu i administrativnu pomoć pruža ostalo osoblje koje čine stručni savjetnici, stručni saradnici i administrativno osoblje.



U izvještajnoj godini, funkciju rukovodioca Posebnog odjela II vršio je međunarodni tužilac, dok je funkciju zamjenika rukovodioca Posebnog odjela II vršio domaći tužilac.

Mandat međunarodnog tužioca, kao rukovodioca Posebnog odjela II, je pružanje pomoći domaćim tužiocima u neophodnom rukovodnom i tehničkom znanju koje će im omogućiti da istražuju i krivično gona počiniocima krivičnih djela iz oblasti organizovanog kriminala, privrednog kriminala i korupcije, u skladu sa međunarodnim standardima i normama, a istovremeno će im pružiti vođstvo, koje je neophodno za uspostavljanje i unaprjeđenje domaćih kapaciteta.

Organizovani kriminal, privredni kriminal i korupcija podrivaju javnu sigurnost i zakonitost tržišne razmjene i konkurenciju koja je od suštinske važnosti za ekonomski život i razvoj u Bosni i Hercegovini i integrisanje Bosne i Hercegovine u Evropu, te je borba protiv ovih oblika kriminala veoma značajna u jačanju pravne države i jačanju ekonomske moći Bosne i Hercegovine.

U toku 2008. godine, Posebni odjel II je u svom radu primjenjivao Interne kriterije za raspodjelu predmeta od 20.07.2007. godine (Interni kriteriji) kao kriterije za raspodjelu predmeta unutar odjela Tužilaštva BiH broj A-293/07. Prema tim kriterijima, Posebnom odjelu II raspodjeljuju se:

1. Svi predmeti organizovanog kriminala, organizovanog privrednog kriminala iz nadležnosti Tužilaštva BiH, osim predmeta krivičnog djela terorizma iz člana 201. Krivičnog zakona Bosne i Hercegovine (KZ BiH).
2. Predmeti za slijedeća Krivična djela iz KZ BiH:
 - Finansiranje terorističkih aktivnosti iz člana 202.;
 - Trgovina ljudima iz člana 186. i krijumčarenje osoba iz člana 189., kada je u predmetima za ova krivična djela uključeno 5 ili više krijumčarenih osoba, odnosno žrtava trgovine;
 - Krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 100.000,00 KM;
 - Krivična djela povrede autorskih prava iz glave XXI čija vrijednost prelazi iznos od 100.000,00 KM;
3. Svi predmeti u vezi korupcije visokih funkcionera Bosne i Hercegovine iz nadležnosti Tužilaštva BiH i odgovornih osoba s najvišim funkcijama u privrednim društvima i drugim pravnim osobama.

U skladu sa Internim kriterijima vršena je analiza priliva predmeta po odjelima Tužilaštva BiH kako bi se, ovisno od priliva, izvršile eventualne korekcije usaglašenih kriterija. Trenutno su u toku pregovori i pripreme nacrta korekcija postojećih Internih kriterija.

U toku 2008. godine Posebni odjel II završio je izradu Strategije odjela za period 2008-2009. godine.

Nadalje, u toku 2008. godine završena je izrada Internog pravilnika Posebnog odjela II kojim je regulisan interni rad odjela i koji je usklađen sa Pravilnikom o unutarnjoj organizaciji i poslovanju Tužilaštva BiH. Interni pravilnik broj A-249/05 zvanično je usvojen 12.05.2008. godine od kada se i primjenjuje.

Međunarodni tužioci i ostalo međunarodno osoblje u Posebnom odjelu II finansiraju se iz više međunarodnih donatorskih izvora.

U toku izvještajnog perioda, Ambasada Kraljevine Španije u Bosni i Hercegovini organizovala je tri edukativna seminarra za tužioce, stručne savjetnike i stručne saradnike Posebnog odjela II, na teme „Forenzika u BiH – DNK analiza u krivičnom postupku“, „Evropski sud za ljudska prava“ i „Napredne tehnike u borbi protiv organizovanog kriminala i terorizma“.

U Posebnom odjelu II trenutno radi 6 domaćih tužilaca, 5 međunarodnih tužilaca, 1 viši međunarodni finansijski istražitelj, 2 stručna savjetnika, 12 stručnih/pravnih saradnika, 5 administrativnih asistenata (asistenti na predmetima i koordinatori na predmetima), 6 daktilografa i 4 pripravnika.

Međunarodni istražitelj, unutar tima u kojem je angažovan, priprema istražni plan zajedno sa tužiocem, istražuje navode, saraduje sa i koordinira rad sa domaćim i međunarodnim agencijama za provođenje zakona, prikuplja potrebne informacije, učestvuje i provodi terenske aktivnosti, te obavlja druge radnje po nalogu tužioca.

Stručni/pravni saradnici pružaju pravne usluge domaćim i međunarodnim tužiocima, u zavisnosti od tima u koji su raspoređeni, i to na način da osiguravaju analize i istraživanja pravnih pitanja, pišu sažetke predmeta, prijedloge i podneske Sudu, pripremaju nacрте optužnica, zahtjeva, prijedloga, asistiraju u organizovanju predmeta za suđenje, po ovlaštenju tužioca, ispituju osumnjičene, saslušavaju svjedoke, prisustvuju pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih osoba kako je to predviđeno u članu 20. stav 1. tačka g) Zakona o krivičnom postupku Bosne i Hercegovine.

Administrativni asistenti pružaju administrativnu potporu timu, dok se pripravnici obučavaju za budući rad u pravosuđu.

2.2.1. STRUKTURA KRIVIČNIH DJELA U PREDMETIMA POSEBNOG ODJELA II


Kao rezultat primjene pomenutih Internih kriterija za raspodjelu predmeta, statistički gledano, broj predmeta na kojima je radio Posebni odjel II u toku 2008. godine opada u odnosu na prethodni period. To je u potpunosti rezultat činjenice da je rad Posebnog odjela II usmjeren na predmete koji zadovoljavaju usvojene kriterije, odnosno na, uslovno rečeno, ozbiljnije i kompleksnije predmete organizovanog kriminala, privrednog kriminala i korupcije.

I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko Distrikta, kao i predmeti koji su oformljeni na osnovu usmenih ili pismenih prijava građana. Istrage koje provodi Posebni odjel II su sve složenije jer se odnose na teška i složena krivična djela koja iziskuju značajno zalaganje u smislu vremena i angažovanja svih kapaciteta.

U 2008. godini u Posebnom odjelu II doneseno je novih 59 naredbi o sprovođenju istrage protiv 268 osoba, te je zajedno sa već postojećim istragama iz prethodnog perioda u toku 2008. godine ukupno u radu bilo 159 istraga protiv 639 osoba. Nadalje, donešeno je 13 naredbi o nesprovođenju istrage protiv 20 osoba, dok je u 16 predmeta donešena naredba o obustavi istrage protiv 49 osoba. Podignute su 24 optužnice protiv 76 osoba, dok je od strane Suda Bosne i Hercegovine potvrđeno 25 optužnica protiv 80 osoba. Od ukupnog broja predmeta na kojima je rađeno u 2008. godini u Posebnom odjelu II, Sud BiH izrekao je 23 osuđujuće presude protiv 39 osoba, 4 oslobađajuće presude protiv 12 osoba, te jednu odbijajuću presudu protiv 4 osobe. U navedenim predmetima izrečeno je 14 različitih zatvorskih kazni u ukupnom trajanju od 53 godine, 3 mjeseca i 75 dana, 9 različitih uslovnih kazni zatvora, te 18 novčanih kazni u ukupnom iznosu od 415.000,00 KM, dok je u isto vrijeme izvršeno oduzimanje različitih oblika imovinske koristi u ukupnoj vrijednosti od 1.534.949,09 KM.

U ukupno 14 predmeta zaključeni su sporazumi o priznanju krivnje sa ukupno 29 osoba, od čega je Sud Bosne i Hercegovine u toku izvještajnog perioda prihvatio sporazume u 14 predmeta sa ukupno 16 osoba.

U odnosu na ostale vrste predmeta, Posebni odjel II je u toku 2008. godine radio na ukupno 406 KTA predmeta od kojih je 183 riješeno, te 10 KTN predmeta od kojih su 4 riješena.



Grafički prikaz rada na KT predmetima u Odjelu II u 2008. godini

2.2.2. PROBLEMI U RADU POSEBNOG ODJELA II

Problemi Posebnog odjela II uočeni u toku 2008. godine, a koji dobrim dijelom potiču i iz ranijeg perioda, ogledaju se u slijedećem:

- problem pravovremenog lociranja i osiguranja svjedoka kako u istražnoj, tako i u fazi suđenja;
- nedovoljna efikasnost u prikupljanju dokaza putem međunarodne pravne pomoći, te nepostojanje drugih međunarodnih mehanizama koji omogućavaju validnost dokaza prikupljenih u drugim zemljama;
- problem razuđenosti zakazanih ročišta pred Sudom Bosne i Hercegovine, bez obzira na veličinu predmeta, što se kao poseban problem javlja u obimnijim predmetima koji zbog zauzetosti sudija i sudnica traju pretjerano dugo, ponekad i više od godinu dana;
- nedovoljni ljudski resursi, dugotrajna procedura odabira kandidata, te nemogućnost blagovremenog obezbjeđenja adekvatne zamjene za osoblje u slučajevima otkaza što je rezultiralo dugotrajnim postupkom popunjavanja upražnjenh radnih mjesta;
- nedostatak kancelarijskog prostora koji se direktno odražava na produktivnost osoblja;
- nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranu privremeno oduzetih predmeta i drugog dokaznog materijala;
- efikasni i djelotvorni kriteriji za ocjenu rada tužilaca u POOK-u nisu doneseni od strane Visokog sudskog i tužilačkog vijeća;

2.3 . ODJEL III - ODJEL ZA MEĐUNARODNU PRAVNU POMOĆ, TERORIZAM I OSTALA KRIVIČNA DJELA IZ NADLEŽNOSTI TUŽILAŠTVA BIH

Tokom 2008. godine u Odjelu III radilo je ukupno 6 (šest) tužilaca i zamjenik glavnog tužioca, koji je ujedno obavljao dužnost rukovodioca Odjela III. Tačnije, do 05.05.2008. godine u Odjelu III radila su četiri (4) tužioca i rukovodilac Odjela III, da bi Visoko sudsko i tužilačko vijeće BiH svojom Odlukom od 10.04.2008. godine imenovalo dva (2) domaća tužioca, koja su dodijeljena Odjelu III. Međutim, ovom prilikom treba spomenuti činjenicu da, iako su imenovani tužioci dodijeljeni Odjelu III, Odjelu je pristupio samo jedan tužilac, dok drugi imenovani tužilac, zbog zdravstvenih razloga nije radio do kraja 2008. godine, tako da je Odjel III do kraja 2008. godine radio sa pet (5) tužilaca i rukovodiocem Odjela.

U odnosu na druga dva odjela Tužilaštva u kojima su organizacijska struktura i rad unutar samih odjela koncipirani po principu rada u timovima, u Odjelu III tužioci djeluju samostalno, bez tima uz pomoć pet (5) stručnih saradnika i jednog stručnog savjetnika, te šest (6) daktilografa i jednog pripravnika.



Što se tiče vrste i strukture krivičnih djela po kojima postupa Odjel III, Internim kriterijima za raspodjelu predmeta unutar odjela Tužilaštva BiH koji su ustanovljeni 20.07.2007. godine, određeno je da se Odjelu III raspodjeljuju slijedeći predmeti:

1. predmeti svih krivičnih djela iz nadležnosti Tužilaštva BiH osim:
 - krivičnih djela iz djelokruga rada Posebnog odjela za ratne zločine u smislu člana II ovih kriterija,
 - krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu člana III ovih kriterija
2. predmeti po krivičnim djelima "korupcije" koja počine službene osobe i odgovorne osobe, a koje nisu visoki dužnosnici ni odgovorne osobe s najvišim funkcijama u privrednom društvu ili drugim pravnim osobama u smislu tačke 3. člana III ovih kriterija
3. predmeti u vezi zahtjeva za izručenje, molbe za pravnu pomoć i pitanja iz oblasti međunarodne pomoći i saradnje
4. predmeti u vezi pitanja vezanih za sukob nadležnosti i saradnju sa drugim tužilaštvima, sudovima, organima i organizacijama.

U cilju jasnijeg razumijevanja navedenog, potrebno je precizirati da Odjel III u skladu sa naprijed navedenim kriterijima radi na svim predmetima iz nadležnosti Tužilaštva BiH, uključujući i predmete koji se odnose na organizirani i privredni kriminal kada imovinska vrijednost prouzrokovana krivičnim djelom ne prelazi iznos od 100.000,00 KM, odnosno kada broj osoba koje su žrtve krivičnog djela nije veći od 5, kao i na drugim predmetima organiziranog kriminala koje Posebni odjel za organizirani kriminal, privredni kriminal i korupciju ne prihvati kao vrlo osjetljive.

Također je potrebno spomenuti da Odjel III postupa po prijavama za krivično djelo terorizma iz člana 201. KZ BiH.

Vrlo je bitno naglasiti postupanje Odjela III po predmetima naprijed naznačenim pod red. brojem 3, odnosno predmetima koji se tiču pružanja međunarodne pravne pomoći i izvršenja međunarodnih ugovora u krivičnopravnim stvarima, odnosno predmetima izručenja osumnjičenih, optuženih i osuđenih osoba (KTZ predmeti).

Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.).

U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, uslijed čega je pružanje pravne pomoći stvarna obaveza za Bosnu i Hercegovinu.

Pregled međunarodnih multilateralnih ugovora o pravnoj pomoći koji obavezuju Bosnu i Hercegovinu:

- Evropska konvencija o međusobnom pružanju pravne pomoći u krivičnim stvarima, Strazbur 20.04.1959.g.,
- Evropska konvencija o ekstradiciji, Pariz, 13.12.1957.g.,
- Dodatni protokol uz Evropsku konvenciju o ekstradiciji, Strazbur 15.10.1975.g.,
- Drugi dodatni protokol uz Evropsku konvenciju o ekstradiciji, Strazbur 17.03.1978.g.,
- Evropska konvencija o prenosu postupka u krivičnim stvarima, Strazbur, 15.03.1972.g.,
- Evropska konvencija o transferu osuđenih osoba, Strazbur, 21.03.1983.g.,
- Evropska konvencija o obavještenju o stranom pravu, London, 07.06.1968.g.

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

2.3.1. STRUKTURA KRIVIČNIH DJELA I BROJ PREDMETA, UKLJUČUJUĆI ZAPRIMLJENE PREDMETE, PREDMETE U RADU, KAO I OKONČANE PREDMETE ODJELA III

2.3.1.1. KT PREDMETI

Tokom 2008. godine Odjel III je imao u radu ukupno 936 KT predmeta, od kojih je 489 predmeta prenesenih iz ranijih godina, dok je 447 predmeta zaprimljeno u 2007. godini.


Postupajući po naprijed navedenim predmetima, a u skladu sa svojim pravima i obavezama u smislu čl. 35. ZKP BiH, tužioci Odjela III su u 2007. godini donijeli 176 naredbi o sprovođenju istrage protiv 261 osobe, u 35 predmeta protiv 47 osoba, u skladu sa odredbama čl. 224. ZKP BiH je donijeta naredba o obustavi istrage, dok je u skladu sa odredbom čl. 216. st. 3. ZKP BiH u 109 predmeta protiv 125 osoba donijeta naredba o nesprovođenju istrage.

Tokom 2008. godine tužioci Odjela III su po okončanju istraga podigli ukupno 118 optužnica protiv 172 osobe, od kojih je 29 optužnica protiv 34 osobe sa predloženim krivičnim nalogom, dok je 47 KT predmeta u odnosu na 86 osoba riješeno na drugi način.

Postupajući po zaprimljenim optužnicama Odjela III tokom 2007. godine Sud BiH je donio 99 presuda protiv 123 osoba, od čega 95 osuđujućih presuda protiv 117 osoba i 4 oslobađajuće presude protiv 4 osobe. U navedenim presudama, u 18 predmeta prema 25 osoba izrečena je različita zatvorska kazna, u 69 predmeta prema 78 osoba izrečena je uvjetna presuda, te je u 11 predmeta prema 14 osoba izrečena novčana kazna, dok su u 4 predmeta 4 osobe oslobođene od optužbe.

Nakon potvrđivanja optužnice tužiocima Odjela III su zaključili 55 sporazuma o priznanju krivnje sa 78 optuženih osoba. Tužiocima Odjela III izjavili su 4 žalbe na presude Suda BiH.

Zaključno sa 31.12.2008. godine u Odjelu III od ukupnog broja 936 predmeta, u 489 predmeta nisu otvorene istrage.



Grafički prikaz rada na KT predmetima u Odjelu III za 2008. godinu

2.3.1.2. KTA PREDMETI

U periodu od 01.01. do 31.12. 2008. godine Odjel III je imao u radu ukupno 1070 predmeta, od kojih je u izvještajnoj godini zaprimljeno 399 predmeta, dok je 671 predmeta prenijeto iz ranijih godina.

Tužiocima Odjela III su u 2008. godini završili ukupno 333 predmeta, tako da je u radu ostalo 737 neriješenih KTA predmeta.

2.3.1.3. KTZ PREDMETI

U 2008. godini Odjel III je imao u radu 246 predmeta u vezi sa 336 osobom koji se odnose na postupke pružanja međunarodne pravne pomoći, izručenja osoba i izvršenja inostranih sudova, od kojih je u navedenoj godini zaprimljeno 199 predmeta u vezi sa 288 osoba, a 43 predmeta u vezi sa 48 osoba su prenijeta iz ranijih godina.

Od ukupnog broja KTZ predmeta završeno je 186 predmeta u vezi sa 271 osobom, a u radu je ostalo 56 predmeta u vezi sa 66 osoba.

2.3.1.4. KTM PREDMETI

U pogledu predmeta koji se odnose na maloljetne počinioce krivičnih djela, Odjel III je u 2008. godini imao u radu ukupno 38 predmeta protiv 67 osoba, od kojih je iz ranijih godina ostalo u radu 29 predmeta protiv 56 osoba, dok je u 2008. godini zaprimljeno 9 predmeta protiv 11 osoba. Tokom 2008. godine, od ukupnog broja predmeta koji se odnose na maloljetne počinioce krivičnih djela, tužiocima Odjela III su donijeli 3 naredbe o nepokretanju postupka protiv 4 maloljetnika, te 6 prijedloga za pokretanje pripremnog postupka protiv 10 maloljetnih počinitelja krivičnih djela, dok je 6 predmeta protiv 10 maloljetnika riješeno na drugi način. Na kraju izvještajnog perioda u Tužilaštvu BiH je ostalo u radu još 29 predmeta protiv 53 osobe.

2.3.1.5. KTN PREDMETI

Protiv nepoznatih počinitelja krivičnih djela, Odjel III je imao u radu 318 predmeta, od kojih je iz ranijih godina ostalo u radu 160 predmeta, dok je u 2008. godini zaprimljeno 158 predmeta, da bi u 2008. godini tužiocima Odjela III riješili 267 predmeta, a u radu je ostao 51 predmet.


2.3.1.6. A PREDMETI

Odjel III je u 2008. godini imao u radu i 186 A predmeta, od kojih je 5 predmeta ostalo u radu Tužilaštva iz ranijih godina, dok je u 2008. godini Tužilaštvo zaprimilo 181 predmet. Od ukupnog broja A predmeta Tužilaštvo je okončalo 153 predmeta, dok su 33 predmeta ostala u radu.

Dakle, od ukupno 2.794 predmeta kojima je u 2008. godini bio zadužen Odjel III, tužioci ovog odjela su završili 1.210 predmeta.

Tužioci, kao i stručni saradnici Odjela III su u 2008. godini, u cilju stručnog osposobljavanja učestvovali na seminarima održanim u organizaciji centara za edukaciju sudaca i tužilaca, te su svi ispunili obavezni broj dana prisustvovanja seminarima (četiri dana za tužioce, šest za stručne saradnike/savjetnike).

Pored naprijed navedenog, tužioci Odjela III (dva tužioca) su stalni članovi Udarne grupe za borbu protiv terorizma i jačanja sposobnosti za borbu protiv terorizma. Radni sastanci ove Udarne grupe su se održavali i u 2008. godini u toku radnog vremena kao redovni sastanci, što je u izvjesnoj mjeri umanjilo mogućnost tužilaca da ovo vrijeme iskoriste za rad po zaduženim predmetima.



Grafički prikaz KTA, KTZ, KTM, KTN i A predmeta u Odjelu III za 2008. godinu

2.3.2. PROBLEMI U RADU ODJELA III

Glavni problemi s kojima se suočava Odjel III su:

1. Prema naprijed navedenim podacima, iako su tužioci Odjela III u 2008. godini okončali 1210 predmeta, u narednu godinu je prenijeto ukupno 1584 neriješenih predmeta. Isto tako treba reći da priliv od ukupno 1333 predmeta u 2008. godini u Odjelu III, premašuje brojku od 1210 predmeta, koje su tužioci Odjela III uz maksimalan angažman uspjeli riješiti.
 - Dakle, uprkos tome što je Odjel III odjel sa najvećim prilivom predmeta u Tužilaštvu, koji je u velikoj mjeri uzrokovan usvajanjem Internih kriterija za raspodjelu predmeta, kao i prethodnih godina Odjel III je i dalje odjel sa najmanjim brojem tužilaca, iz kog razloga i dalje postoji potreba za povećanjem broja tužilaca za najmanje još dva nova tužioca.
 - Obzirom da je u okviru predmeta koji se Odjelu III, a u skladu sa Internim kriterijima prosljeđuju iz Posebnog odjela za organizirani kriminal, privredni kriminal i korupciju zastupljen i određeni broj predmeta koji se odnose na krivična djela Pranje novca, Porezna utaja, Neplaćanje poreza, Carinska prevara, nametnula se potreba za angažovanjem savjetnika ekonomske struke, a sve u cilju efikasnijeg postupanja i rješavanja krivičnih prijava koje se odnose na navedena krivična djela.
 - Osim na rješavanju predmeta koji prema navedenim Kriterijima spadaju u nadležnost Odjela III, treba naglasiti činjenicu da tužioci Odjela III postupaju u određenom broju predmeta koji spadaju u nadležnost Posebnog odjela za organizirani kriminal, privredni kriminal i korupciju, što predstavlja dodatni argument za zapošljavanje savjetnika ekonomske struke.
2. Također, treba naglasiti činjenicu da u odnosu na ostala dva odjela, Odjel III jedini ne uživa podršku Ureda registrara BiH.
3. Kako se samo u ovom odjelu Tužilaštva BiH obavljaju poslovi pružanja međunarodne pravne pomoći svi tužioci su, osim učešća na seminarima održanim u organizaciji centara za edukaciju sudaca i tužilaca bili obavezni učestvovati u radu brojnih seminara i konferencija koji su održani u organizaciji raznih državnih ustanova i institucija te nevladinih organizacija, što je za njih predstavljalo dodatno opterećenje. Značajno je ovdje istaći da je jedan od tužilaca Odjela III kontakt tačka za pružanje međunarodne pravne pomoći u okviru mreže tužilaca Jugoistočne Evrope.
4. Nastavljen je i priliv velikog broja KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, a koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT predmetima.
5. Uzimajući u obzir činjenicu potrebe imenovanja novih tužilaca, kao i osoblja koje je neophodno za normalan rad tužilaca, kao vrlo bitan problem nameće se pitanje smještaja eventualno novoprimljenih djelatnika, obzirom da su smještajni kapaciteti Odjela III popunjeni u cjelosti.

3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije).

Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ BiH koja su svrstana u kolonu „Ratni zločin“ i po kojima postupa Odjel I.

Tabela I: Podaci o prijavama iskazani po predmetima/osobama za period 01.01.-31.12.2008.

Vrsta predmeta "Kt"	Neriješeno prijava iz ranijih godina	Primljeno prijava u toku izvještajnog perioda	Ukupno u radu prijava u toku izvještajnog perioda	Riješeno prijava u toku izvještajnog perioda	Djelimično riješeno prijava u toku izvještajnog perioda	Neriješeno prijava na kraju izvještajnog perioda
KOLONA =	I	II	III (III = I+II)	IV	V	VI VI = III - IV
Privredni kriminal	292/524	343/559	635/1083	232/355	4	403/728
Ratni zločin	244/2164	85/386	329/2550	58/146	2	271/2404
Opći kriminal	162/435	216/505	378/940	178/463	12	200/477
Ukupno	698/3123	644/1450	1342/4573	468/964	18	874/3609

Tabela II: Podaci o istragama iskazani po predmetima/osobama za period 01.01.-31.12.2008.

Vrsta predmeta "Kt"	Neriješene istrage iz ranijih godina	Naređeno istraga u toku izvještajnog perioda	Ukupno u radu istraga u toku izvještajnog perioda	Ukupno riješeno istraga u toku izvještajnog perioda	Djelimično riješeno istraga u toku izvještajnog perioda	Broj neriješenih istraga na kraju izvještajnog perioda
KOLONA =	I	II	III (III = I+II)	IV	V	VI VI = III - IV
Privredni kriminal	118/237	116/193	234/430	103/156	1	131/274
Ratni zločin	299/956	50/107	349/1063	50/76	13	299/987
Opći kriminal	93/294	119/353	212/647	104/218	2	108/429
Ukupno	510/1487	285/653	795/2140	257/450	16	538/1690

Tabela III: Vrste procesnih odluka donesenih u Kt predmetima/osobama u periodu 01.01.-31.12.2008.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o nesprovedenju u istrage	Broj naredbi o sprovođenju u istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	96/106	116/193	20/56	29/46	68/96	6/14
Ratni zločin	2/10	50/107	6/29	11/26	23/30	16/20
Opći kriminal	26/39	119/353	33/71	18/50	79/153	7/15
Ukupno	124/155	285/653	59/156	58/122	170/279	29/49

Tabela IV: Podaci o podignutim optužnicama iskazani po predmetima/osobama



Vrsta predmeta "Kt"	Broj optužnica podignutih prije izvještajnog perioda, a u kojima do 01.01.2008. nije bila donesena odluka o potvrđivanju ili odbijanju potvrđenja	Ukupan broj podignutih optužnica u toku izvještajnog perioda	Ukupan broj podignutih optužnica*	Ukupan broj potvrđenih optužnica u toku izvještajnog perioda*	Broj optužnica čije je potvrđivanje odbijeno	Broj optužnica povučenih prije donošenja odluke o potvrđivanju	Broj optužnica podignutih u toku izvještajnog perioda, a u kojima sa 31.12.2008. nije bila donesena odluka o potvrđivanju ili odbijanju potvrđenja
KOLONA =	I	II	III = I+II	IV*	V	VI	VII
Privredni kriminal	0/0	68/96	68/96	66/94	0/0	0/0	2/2
Ratni zločin	4/4	23/30	27/34	26/33	1/1	0/0	0/0
Opći kriminal	2/2	79/153	81/158	81/158	0/0	0/0	0/0
Ukupno:	6/9	170/279	176/288	173/285	1/1	0/0	2/2
Vrsta predmeta "Kt"	Broj optužnica podignutih u toku izvještajnog perioda*			Broj potvrđenih optužnica u toku izvještajnog perioda*			
	sa krivičnim nalogom	bez krivičnog naloga	sa predloženim sporazumom o priznanju krivnje	sa krivičnim nalogom	bez krivičnog naloga	sa predloženim sporazumom o priznanju krivnje	
KOLONA =	VIII	IX	X	XI	XII	XIII	
Privredni kriminal	11/16	57/80	0/0	10/14	56/80	0/0	
Ratni zločin	0/0	23/30	0/0	0/0	26/33	0/0	
Opći kriminal	19/20	60/133	0/0	20/22	31/136	0/0	
Ukupno	30/36	140/243	0/0	30/36	143/249	0/0	



Tabela V: Podaci o vremenskoj strukturi potvrđenih, a neriješenih optužnica iskazanih po predmetima/osobama za period 01.01.-31.12.2008.


Vrsta predmeta "Kt"	Broj neriješenih potvrđenih optužnica pred sudom u toku izvještajnog perioda							Broj predmeta u kojima je optužnica riješena donošenjem odluke suda u toku izvještajnog perioda:	Broj neriješenih potvrđenih optužnica na kraju izvještajnog perioda
	optužnice potvrđene prije 01.01.2004.	optužnice potvrđene u toku 2004.	optužnice potvrđene u toku 2005.	optužnice potvrđene u toku 2006.	optužnice potvrđene u toku 2007.	optužnice potvrđene u toku 2008.	Ukupno		
KOLONA =	I	II	III	IV	V	VI	VII (VII = I+II+III+IV+V+VI)	VIII	IX (IX = VII - VIII)
Privredni kriminal	1/7	4/32	4/8	4/4	38/77	66/94	117/222	63/94	54/128
Ratni zločin	0/0	0/0	1/11	8/18	17/31	18/30	44/90	19/42	7/48
Opći kriminal	1/4	2/3	2/2	3/6	18/22	81/158	107/195	63/86	44/109
Ukupno	2/11	6/35	7/21	15/28	73/130	165/282	268/507	145/222	123/285

Tabela VI: Podaci o vrstama sudskih odluka iskazani po predmetima/osobama za period 01.01.-31.12.2008.

Vrsta predmeta "Kt"	Broj predmeta u kojima je donesena odluka u toku izvještajnog perioda:				Ukupno	Broj predmeta u kojima je povučena optužnica nakon potvrđivanja do početka glavnog pretresa	Broj predmeta u kojima je došlo do odustanka od optužnice do završetka glavnog pretresa
	Rješenja o obustavi postupka	Odbijajuće presude	Oslobađajuće presude	Osuđujuće presude			
KOLONA =	I	II	III	IV	V V = I+II+III+IV	VI	VII
Privredni kriminal	0/0	2/5	5/14	58/75	65/94	0/0	0/0
Ratni zločin	0/1	0/0	3/6	16/35	19/42	0/0	0/0
Opći kriminal	0/0	0/0	2/2	61/84	63/86	0/0	0/0
Ukupno	0/1	2/5	10/22	135/194	147/222	0/0	0/0
Vrsta predmeta "Kt"	Sporazumi o priznanju krivnje						
	broj predloženih sporazuma	broj odbačenih sporazuma	osuđujuće presude po sporazumu o priznanju krivnje	broj predloženih sporazuma o kojima sud nije odlučio			
KOLONA =	VIII	IX	X	XI			
Privredni kriminal	38/54	0/0	36/46	2/8			
Ratni zločin	6/6	0/0	6/6	0/0			
Opći kriminal	28/56	0/0	25/39	3/17			
Ukupno	72/116	0/0	67/91	5/25			







4. DRUGI ASPEKTI DJELOVANJA TUŽILAŠTVA BiH

4.1. AKTIVNOSTI KROZ UDARNE GRUPE

4.1.1. UDARNA GRUPA ZA BORBU PROTIV TRGOVINE LJUDIMA I ORGANIZIRANE ILEGALNE IMIGRACIJE

Odlukom Vijeća ministara ("Službeni glasnik BiH" br. 3/04) formirana je Udarne grupa za borbu protiv trgovine ljudima i organizovane ilegalne imigracije, kao oblika organizovanog kriminala. Udarne grupa djeluje na području cijele Bosne i Hercegovine i u njen sastav ulaze predstavnici tužilaštava, organa unutrašnjih poslova, poreznih organa, finansijske policije, granične policije, dakle svi koji mogu dati doprinos u borbi protiv trgovine ljudima i ilegalne imigracije.

Udarne grupa blisko saraduje sa Državnim koordinatorom za borbu protiv trgovine ljudima i ilegalne imigracije, te sa Evropskom policijom, Ministarstvom pravde pri Ambasadi SAD u Sarajevu, ICITAP-om, međunarodnom organizacijom za imigracije IOM i različitim nevladinim organizacijama koje se bave zaštitom žrtava trgovine ljudima: Udruženje „HO međunarodni Forum solidarnosti", Udruženje "Žena BiH" Mostar, Organizacija žena "Lara" Bijeljina, Fondacija "La strada" Bosna i Hercegovina, Centar za terapiju žena "Medica" Zenica, Udruženje "Vaša prava" Bosna i Hercegovina i drugim..

Udarne grupa je nadležna da, pod neposrednim rukovođenjem glavnog tužioca Tužilaštva BiH, osigurava saradnju nadležnih organa i organizacija, provodi istraživanje i obrazuje operativne istražne timove koji rade na prikupljanju i razmjeni relevantnih podataka i informacija vezano za slučajeve trgovine ljudima i vezane ilegalne imigracije, a sve u cilju njihovog suzbijanja. U sastav Udarne grupe, kao stručni predstavnici ispred Tužilaštva BiH, ulaze i dva tužioca Posebnog odjela II.

U 2005. godini sačinjene su Procedure za postupanje sa žrtvama trgovine ljudima u Bosni i Hercegovini, u skladu sa Konvencijom UN-a u borbi protiv transnacionalnog organizovanog kriminala i njenog Protokola za sprečavanje, zaustavljanje i kažnjavanje trgovine ljudima, drugim međunarodnim konvencijama i protokolima, te pozitivnim propisima Bosne i Hercegovine.

Tokom izvještajnog perioda, uz finansijsku i operativnu pomoć Udarne grupe, vođene su istrage u nekoliko predmeta Tužilaštva Bosne i Hercegovine iz oblasti trgovine ljudima, a pomoć se u najvećem dijelu ogledala kroz finansiranje posebnih istražnih radnji.

4.1.2 UDARNA GRUPA ZA BORBU PROTIV TERORIZMA I JAČANJA SPOSOBNOSTI ZA BORBU PROTIV TERORIZMA

U 2004. godini, Odlukom Vijeća ministara Bosne i Hercegovine, uspostavljena je Grupa za borbu protiv terorizma i jačanja sposobnosti za borbu protiv terorizma (Udarne grupa) i ista radi pod vođstvom Tužilaštva Bosne i Hercegovine i nadzorom Ministarstva sigurnosti BiH. Osnivanjem Udarne grupe za otkrivanje krivičnih djela terorizma i finansiranja terorizma, institucionalizovana je borba protiv terorizma u Bosni i Hercegovini.

Od momenta osnivanja ove Udarne grupe Tužilaštvo Bosne i Hercegovine je osiguralo saradnju i koordiniralo rad organa koji učestvuju u borbi protiv terorizma, prikupljanjem informacija o mogućim počiniocima krivičnog djela terorizma na području Bosne i Hercegovine i provodeći istrage. Aktivnosti Tužilaštva Bosne i Hercegovine u ovom segmentu ogledale su se prvenstveno na otkrivanju mreže koja osigurava finansijsku i svaku drugu potporu osobama za koje se sumnja da su povezane sa pojedincima, pravnim osobama ili udruženjima čije djelovanje ukazuje na krivična djela Terorizma. U okviru svojih aktivnosti Udarne grupa pratila je i prati aktivnosti određenih osoba i tokove novca, odnosno novčane transakcije tih osoba, odnosno organizacija za koje postoji sumnja da se, između ostalih aktivnosti, bave i finansiranjem osoba koje bi se mogle povezati sa terorizmom.

Međutim, jedan od problema sa kojima se u 2008. godini suočila Udarne grupa za borbu protiv terorizma i jačanja sposobnosti za borbu protiv terorizma jest činjenica da je obustavljena isplata novčanih sredstava predviđenih za naknadu za rad članovima grupe, što se negativno odrazilo na rad grupe u cjelosti, jer su pojedini članovi u više navrata izostali sa redovnih mjesečnih sjednica Udarne grupe.

Nezadovoljstvo članova Udarne grupe tim je veće jer je do obustave došlo, a da Ministarstvo finansija BiH prethodno nije uputilo Udarnoj grupi nikakvo obavještenje o tom koraku.

Šta više, razlozi za takvo postupanje su potpuno nejasni i vrlo ih je teško objasniti, pogotovo kad se uzme u obzir da je Ministarstvo finansija BiH nastavilo sa finansiranjem Udarne grupe za borbu protiv trgovine ljudima i organizirane ilegalne imigracije, koja je također osnovana odlukom Vijeća ministara BiH, čijim radom također predsjedaju tužioci Tužilaštva BiH.

Na sastancima Udarne grupe u 2008. godini, osim navedenog problema raspravljano je i o statusu Udarne grupe, obzirom da ista od osnivanja djeluje kao privremeni organ, tj. dok se Državna agencija za istrage i zaštitu BiH u cjelosti ne osposobi za samostalan rad iz sfere borbe protiv terorizma.

U svrhu razjašnjenja pomenutih problema održan je sastanak između predstavnika Udarne grupe i predsjedavajućeg Vijeća ministara BiH, na kojem sastanku je predsjedavajući obaviješten o radu Udarne grupe, kao i o tekućim problemima.

Na sastanku je dogovoreno da će Udarne grupa dostaviti Informaciju Ministarstvu sigurnosti BiH, te da će biti riješen problem finansiranja Udarne grupe, a da će Vijeće ministara BiH zatražiti od Državne agencije za istrage i zaštitu izjašnjenje o njenoj osposobljenosti za samostalno preuzimanje poslova iz nadležnosti Udarne grupe.

4. 2. EDUKACIJA

4.2.1. OBAVEZNA EDUKACIJA U ORGANIZACIJI CENTARA ZA EDUKACIJU SUDIJA I TUŽILACA

Uspostavljanjem Centara za edukaciju sudija i tužilaca u Federaciji Bosne i Hercegovine i Republici Srpskoj, isti su postali ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope, a obaveza svakog tužioca, prema entitetskim zakonima o centrima za edukaciju, je provođenje minimalne edukacije od četiri dana godišnje.

U 2008 godini, tužioci Tužilaštva BiH (državljeni Bosne i Hercegovine), pored pohađanja obaveznih zakonom propisanih seminara, aktivno su se uključili i u ostale procese edukacije tužilaca, a isto tako bili su angažovani kao edukatori, predavači i moderatori, te su prenosili svoja znanja i iskustva sudionicima seminara.

U organizaciji i entitetskih centara za edukaciju, te suorganizaciji Pravosudne komisije DC Brčko BiH, Udruženja sudija/sudaca u FBiH, Ministarstva pravde SAD Ureda za razvoj pomoć i obuku tužilaštava u prekomorskim zemljama OPDAT, Međunarodnog komiteta Crvenog krsta/križa, Centra za slobodan pristup informacijama, Centra za pravnu pomoć, Agencije "Sine Qua Non", kao i Ekonomske komisije UN-a za Evropu i OSCE-a, tužioci Tužilaštva BiH svoje znanje su proširivali na seminarima i konferencijama na slijedeće teme:

- Istraživanje i krivično gonjenje finansijskog kriminala,
- Međunarodno humanitarno pravo MKCK,
- Direktno i unakrsno ispitivanje, vještine zastupanja,
- Modul 4 - CARDS 2005 - Osnovna načela glavnog pretresa i metodologija izrade prvostepene presude u krivičnom postupku,
- Sporazum o priznanju krivnje,
- Istraživanje i krivično gonjenje finansijskog kriminala,
- Upotreba DNK u krivičnom postupku,
- Modul 6 - CARDS 2005 - Krivična oblast II - Krivična djela u oblasti carina i poreza,
- Zakon o zaštiti svjedoka u krivičnom postupku,
- Autorska prava i industrijsko vlasništvo,
- Modul 6 - CARDS 2005 - Krivična oblast II - Krivična djela u oblasti carina i poreza,
- Ratni zločini,
- Okrugli sto - Aktualna pitanja iz prakse Federalnog i kantonalnog tužilaštava,
- VII savjetovanje u oblasti krivičnog zakonodavstva,
- Postupak u slučajevima neuračunljivosti,
- Krivična djela korupcije - umišljaj kod krivičnih djela korupcije,
- Zaštita intelektualne svojine,
- Droga-izazov modernog društva,
- Djeca svjedoci,
- Kompjuterski kriminal - bankovne i kartične malverzacije,
- Funkcija glavnog tužioca,
- Provedba Konvencija UNECE o pristupu informacijama, učešću javnosti u procesu odlučivanja i pristupu pravdi u pitanjima okoliša,
- Prva regionalna konferencija posvećena krivičnim djelima iz oblasti zaštite okoliša,
- Međunarodno humanitarno pravo, kao i Položaj suca u svijetu danas.

4.2.2. UČEŠĆE U RADU SEMINARA I KONFERENCIJA U ORGANIZACIJI NEVLADINIH ORGANIZACIJA I RAZNIH DRŽAVNIH INSTITUCIJA

Zbog potrebe pronalaženja efikasnih mehanizama za borbu protiv svih vrsta kriminala, uključujući najteže oblike organiziranog kriminala, kao i potrebe za uspostavljanjem kako zakonskih normi, tako i tehničkih resursa za borbu protiv savremenih oblika kriminala, tužioci Tužilaštva BiH su kao predavači-edukatori, te kao i sudionici, sudjelovali na stručnim konferencijama i specijalističkim obukama.

Ove stručne edukacije odnosile su se, između ostalog već navedenog u ostalim dijelovima ove informacije, na saradnju tužilaca i policije, provođenje posebnih istražnih radnji i presretanja telekomunikacija, borbi protiv oblika elektronskog i kompjuterskog kriminala, kao i terorizma i organiziranog kriminala.

Tužioci Tužilaštva BiH, kao i stručno osoblje, bili su aktivni i na polju međunarodne saradnje a koja se odnosi na sudjelovanje na Međunarodnim forumima tužilaca (Budimpešta, Mađarska septembar/rujan 2008. godine), na kojima su učestvovali predstavnici tužilaštava iz više od 40 zemalja, a na kojima se realizovala stručna obuka iz oblasti krivičnog gonjenja najtežih oblika organiziranog kriminala, pranja novca u međunarodnim finansijskim tokovima, kao i stručna savjetovanja o problematici vezanoj za zaštitu svjedoka.

Bosna i Hercegovina, kao društvo u tranziciji i država u post-konfliktnom periodu, susreće se sa oblicima kriminala svojstvenim za tranzicijske zemlje, kao i sa kriminalom u kojem se zloupotrebljavaju savremena tehnološka dostignuća kao što je elektronski kriminal, zloupotreba bankovnih kartica, prevare putem računarskih sistema, kao i krivična djela zloupotrebe interneta za finansijski kriminal ili izvršenje krivičnih djela u vezi sa dječijom pornografijom.

Nakon što je uočena pojava da počinioci krivičnih djela koriste savremena tehnološka dostignuća, Tužilaštvo je prepoznalo potrebu da se tužilački i uopšte pravosudni, kao i policijski kadrovi, kvalitetno osposobe za borbu protiv onih oblika kriminala čija se ekspanzija u BiH može očekivati u narednom periodu.

Tužioci Tužilaštva BiH učestvovali su na stručnim seminarima gdje su predavači iz policijskih i pravosudnih agencija zemalja Evropske unije educirali svoje kolege iz BiH i regiona za prepoznavanje, prikupljanje dokaza i procesuiranje ovih krivičnih djela.

U svjetlu evropskih integracija važno je istaći da Bosna i Hercegovina još uvijek nema pristup policijskim i tužilačkim asocijacijama Evropske unije, kao što su unija policijskih agencija EUROPOL i asocijacija tužilaca u EU- EUROJUST.

Iako je Tužilaštvo BiH učestvovalo u nekim operacijama koje su provođene uz koordinaciju EUROJUST-a (naročito u otkrivanju krivičnih djela krivotvorenja novca u apoenima EURO), Tužilaštvo BiH nema punopravno članstvo u ovoj asocijaciji, ali postoji iskrena nada da će provođenjem procesa približavanja evropskim integracijama, i tužioci Tužilaštva BiH, kao i cjelokupna pravosudna zajednica u BiH, imati veći pristup ovim izuzetno korisnim asocijacijama.

Tužioci Tužilaštva BiH uključeni su u rad SECCI centra u Bukureštu, u kojem države sa prostora Balkana, uključujući i Tursku, zajednički rade na otkrivanju i procesuiranju međunarodnog kriminala, a čiji rad je već dao rezultate u mnogim obimnim predmetima, naročito onim koji se odnose na krijumčarenje ilegalnih imigranata.

Tužilaštvo BiH ima i svog predstavnika koji je kontaktna tačka u međunarodnoj asocijaciji tužilaca SEEPAG koja djeluje u organizaciji Vijeća Evrope.

Nakon što su sredinom godine, policijske agencije i telekom operateri osposobili kapacitete za provođenje posebnih istražnih radnji i zakonito presretanje telekomunikacija, tužioci Tužilaštva BiH učestvovali su na stručnoj konferenciji održanoj na Vlašiću, na kojoj su kolege iz Slovenije, kao i drugih zemalja, predstavnicima policije i tužilaštva prenosili svoja iskustva i instrukcije za što efikasniju upotrebu sistema za zakonito presretanje telekomunikacija, a sve u cilju otkrivanja i krivičnog procesuiranja organiziranog kriminala.

Tužioci Tužilaštva BiH učestvovali su kao edukatori i predavači na više stručnih skupova i seminara organizovanih od strane Visokog sudskog i tužilačkog vijeća, kao i međunarodnih organizacija (UNDP, EUPM, OSCE itd).

Tužioci sa dugogodišnjim iskustvima u određenim oblastima i predmetima kao što su finansijski kriminal, ratni zločini, krivična djela krijumčarenja ljudi i trgovine ljudima, terorizma i organiziranog kriminala, svojim kolegama iz policijskih i pravosudnih institucija prenosili su korisna saznanja i iskustva stečena dugogodišnjim radom na predmetima.

4.3. AKTIVNOSTI U OBLASTI ODNOSA S JAVNOŠĆU

U periodu koji je obuhvaćen ovom informacijom Tužilaštvo BiH preduzelo je niz aktivnosti u cilju što boljeg informisanja javnosti o radu Tužilaštva BiH, kao i približavanja lokalnim zajednicama, te ostvarenju bolje komunikacije sa udruženjima žrtava ratnih zločina.

Zbog velikog interesa javnosti za rad Tužilaštva, tokom 2008. godine poslano je oko 150 saopštenja i informacija za medije, a odgovoreno je na više stotina novinarskih upita iz redakcija štampanih i elektronskih medija iz cijele Bosne i Hercegovine.

Tužilaštvo BiH svoje informacije i saopštenja dostavlja na elektronske adrese više od 200 štampanih i elektronskih medija, kao i nevladinih organizacija kako u BiH, tako i u inostranstvu.

Radi kvalitetnog i objektivnog informisanja javnosti, v.d. glavnog tužioca i tužioci Tužilaštva BiH dali su više od 40 intervju u štampanim i elektronskim medijima u kojima su novinarima i javnosti pojašnjavali detalje vezane za rad Tužilaštva BiH kako o radu na predmetima, tako i u procesu reforme pravosuđa, te procesu saradnje sa Međunarodnim krivičnim sudom u Den Haagu, kao i pravosuđima zemalja regiona.

Radi što kvalitetnijeg i potpunijeg informisanja bosanskohercegovačke javnosti o radu Tužilaštva BiH, redizajnirana je i u potpunosti osvježena web stranica Tužilaštva BiH (www.tuzilastvobih.gov.ba) putem koje su javnosti na jezicima naroda u Bosni i Hercegovini i engleskom jeziku dostupni podaci o optužnicama i predmetima Tužilaštva BiH, kao i ostali podaci vezani za tužilaštvo, odjele tužilaštva, tužioce, kao i zakonske i podzakonske akte bitne za rad Tužilaštva BiH. U toku 2008. godine zabilježeno je 34 000 posjeta (oko 94. posjete dnevno) ovoj web stranici, a zabilježeno je i 123 000 pregleda stranice u istom periodu.

Također, u aspektu približavanja rada tužilaštva lokalnim zajednicima, tužiocima i stručno osoblje tužilaštva, učestvovali su na više sastanaka i okruglih stolova održanih u raznim gradovima Bosne i Hercegovine, kao i gostovanjima u televizijskim emisijama sa tematikom procesuiranja ratnih zločina, organiziranog kriminala, reforme pravosudnog sektora u BiH itd.

Predstavnici Tužilaštva BiH su učestvovali kao izlagači pri brojnim posjetama studenata pravnih fakulteta u BiH, koji su dolazili u organizirane posjete Sudu BiH i Tužilaštvu BiH tj. Kompleksu pravosudnih institucija Bosne i Hercegovine.

Zahvaljujući modernim oblicima komuniciranja, prvenstveno internetu i komunikaciji putem e-maila, mnogi građani BiH, kao i žrtve ratnih zločina koje žive u inostranstvu, pa čak i prekooceanskim zemljama, tokom 2008. godine ostvarili su kontakt sa tužilaštvom.

5. FINANSIJSKI IZVJEŠTAJ TUŽILAŠTVA BiH ZA 2008. GODINU

Odobreni budžet za Tužilaštvo BiH za 2008. godinu iznosio je 8.712.384,00 KM, a struktura odobrenog budžeta bila je:

- tekući izdaci 8.385.540,00 KM,
- kapitalni izdaci 200.000,00 KM,
- program posebne namjene - Udarne grupa za borbu protiv trgovine ljudima i organizirane ilegalne migracije u BiH..... 126.844,00 KM.

Tužilaštvo Bosne i Hercegovine je ostvarilo ukupne troškove u iznosu od 5.917.459 KM ili 68% odobrenog budžeta za 2008. godinu. Sredstva odobrena za Program posebne namjene – Udarne grupa za borbu protiv trgovine ljudima i organizirane ilegalne migracije u BiH trošena su u skladu sa tačkama VIII i XII Odluke o formiranju Udarne grupe za borbu protiv trgovine ljudima i organizirane ilegalne imigracije („Službeni glasnik BiH“, br. 3/04, 103/06) i Odlukom o procedurama i kriterijima za utvrđivanje visine mjesečne naknade za rad članovima Udarne grupe, naknade za angažovanje spoljnih saradnika, te naknade za obavljanje administrativno–tehničkih i računovodstvenih poslova, broj: KTA-UG-02/08 od 03.01.2008. godine. Relativno nizak procenat izvršenja budžeta za 2008. godinu od 68% prouzrokovan je kadrovskim izmjenama u Tužilaštvu BiH, što je za rezultat imalo prolongiranje prijema novih uposlenika sa direktnom refleksijom na smanjenu potrošnju sredstava predviđenih na poziciji plaće i naknade troškova uposlenih i za posljedicu imalo srazmjerno smanjenje sredstava na poziciji materijalnih troškova.

TABELARNI PRIKAZ

PERIOD IZVJEŠTAJA OD: 01.01.2008. DO 31.12.2008.GODINE

R.b.	Vrsta prihoda	Ekonom. kod	Budžet za 2008.	Prestrukt.	Budžet po prestrukt.	Realizovano u tekućoj god.	Razlika	Indeks 7/6
1	2	3	4	5	6	7	8	9
I	Tekući izdaci		8.385.540		8.385.540	5.658.285	2.727.255	0,67
1.	Plaće uposlenih	611100	6.520.264		6.520.264	4.511.219	2.009.046	0,69
2.	Naknade troškova uposlenih	611200	796.628		796.628	364.641	431.987	0,46
3.	Putni troškovi	613100	141.188		141.188	137.127	4.061	0,97
4.	Izdaci za PTT usluge	613200	102.240		102.240	61.408	40.832	0,60
5.	Izdaci za kom.usl.i energ.	613300	111.977		111.977	66.224	45.753	0,59
6.	Nabavka materijala	613400	118.793		118.793	109.764	9.029	0,92
7.	Izdaci za usl. prevoza i goriva	613500	58.423		58.423	16.392	42.031	0,28
8.	Unajmljivanje imovine i opreme	613600			0		0	
9.	Izdaci za tekuće održavanje	613700	48.686		48.686	34.456	14.230	0,71
10.	Izdaci za osiguranje	613800	29.211		29.211	10.855	18.356	0,37
11.	Ugovorene usluge	613900	458.130		458.130	346.199	111.931	0,76
II	Kapitalni izdaci		200.000	0	200.000	165.051	34.949	0,83
1.	Nabavka građevina	821200		10.000	10.000		10.000	0,00
2.	Nabavka opreme	821300	200.000	-27.000	173.000	165.051	7.949	0,95
3.	Nabavka ostalih stalnih sreds.	821400						
4.	Rekonstrukcija i investiciono održ.	821600		17.000	17.000		17.000	0,00
III	UKUPNO:		8.585.540		8.585.540	5.823.336	2.762.204	0,68

ORGANIZACIONA JEDINICA - UDARNA GRUPA

1.	Pos.por.za zašt.od prir.i dr.nesr.	611272	500		500	486	14	0,97
2.	Putni troškovi	613110	12.210		12.210	11.764	446	0,96
3.	Izdaci za mobilne telefone	613212	15.842		15.842	11.547	4.295	0,73
4.	Nabavka materijala	613400	1.421		1.421	980	441	0,69
5.	Prevoz i gorivo	613500			0			
6.	Ugovorene usluge	613915	86.871		86.871	59.524	27.347	0,69
7.	Kapitalni izdaci	821000	10.000		10.000	9.822	178	0,98
IV	UKUPNO :		126.844		126.844	94.123	32.721	0,74
V	UKUPNO BUDŽET:		8.712.384		8.712.384	5.917.459	2.794.925	0,68

ZBIRNO IZVRŠENJE BUDŽETA SA 31.12.2008. GODINE

R.b.	Vrsta prihoda	Ekonom. kod	Budžet za 2008.	Prestrukt.	Budžet po prestrukt.	Realizovano u tekućoj god.	Razlika	Indeks 7/6
1	2	3	4	5	6	7	8	9
I	Tekući izdaci		8.502.384			5.742.586	2.759.798	0,68
1.	Plaće uposlenih	611100	6.520.264			4.511.705	2.008.560	0,69
2.	Naknade troškova uposlenih	611200	796.628			364.641	431.987	0,46
3.	Putni troškovi	613100	153.398			148.891	4.507	0,97
4.	Izdaci za PTT usluge	613200	118.082			72.955	45.127	0,62
5.	Izdaci za kom.usl.i energ.	613300	111.977			66.224	45.753	0,59
6.	Nabavka materijala	613400	120.214			110.744	9.470	0,92
7.	Izdaci za usl. prevoza i goriva	613500	58.423			16.392	42.031	0,28
8.	Unajmljivanje imovine i opreme	613600						
9.	Izdaci za tekuće održavanje	613700	48.686			34.456	14.230	0,71
10.	Izdaci za osiguranje	613800	29.211			10.855	18.356	0,37
11.	Ugovorene usluge	613900	545.501			405.723	139.778	0,74
II	Kapitalni izdaci		210.000			174.873	35.127	0,83
III	UKUPNO		8.712.384			5.917.459	2.794.925	0,68

5.1. PLANIRANJE BUDŽETA ZA 2009. GODINU

Tužilaštvo Bosne i Hercegovine je napravilo projekciju budžeta za 2009. godinu, te su tražena sredstva u ukupnom iznosu od 9.064.000,00 KM.

Planirani iznos od 9.064.000,00 KM predstavlja i gornju granicu rashoda za 2009. godinu izvedenu iz Dokumenta okvirnog budžeta institucija Bosne i Hercegovine za Tužilaštvo BiH.

Budžet za 2009. odražava stvarno stanje i procijenjene realne potrebe Tužilaštva za budžetskim sredstvima u 2009. godini.

Pri izradi projekcije budžeta prisutan je krajnje restriktivan pristup prilikom utvrđivanja pojedinih kategorija troškova, vodeći računa o izvršenju budžeta za 2008. godinu, i planiranim parametrima u smjeru daljnjeg razvoja i nastavka započetog procesa reforme ove institucije u narednom periodu.

Povećanje Budžeta je rezultat:

- povećanja broja uposlenih (prenos nadležnosti sa Ureda registrara - prijem u radni odnos novih tužilaca, stručnih savjetnika, saradnika i administrativnih radnika) što se direktno reflektovalo na poziciju plaće i naknade troškova uposlenih i za posljedicu imalo srazmjerno povećanje materijalnih troškova
- povećanja iznosa za plaće prouzrokovano primjenom Zakona o plaćama i naknadama u institucijama BiH ("Službeni glasnik BiH" broj 50/08).

Plaće su korektno i precizno izračunate, u skladu sa:

- Zakonom o plaćama i drugim naknadama u sudskim i tužilačkim institucijama na nivou BiH;
- Zakonom o plaćama i naknadama u institucijama BiH („Službeni glasnik BiH” broj 50/08)

Materijalni troškovi su projicirani na bazi historijskog troška koji je uvećan srazmjerno povećanju broja uposlenika u Tužilaštvu BiH.

Predviđen broj uposlenika je 170, od kojih je 31 tužilac i ukupno 139 djelatnika (stručni savjetnici, stručni saradnici i administrativni radnici), pri čemu su korišteni iskustveni normativi koji prate ovu vrstu djelatnosti.

Pozicija ugovorene usluge rezultat je stvarnih potreba, a odnosi se na enormno povećanje broja i složenosti predmeta, kao i primjene ZKP-u po kome tužilaštva imaju plaćati sve troškove koje stvore od početka primjene ZKP-u.

U okviru ukupne projekcije budžeta za 2009. godinu za potrebe rada Udarne grupe za borbu protiv trgovine ljudima i ilegalne imigracije u BiH, predviđeni su troškovi u ukupnom iznosu od 120.000,00KM koji su uključeni u ekonomske kategorije:

- tekući izdaci 110.000,00 KM
- kapitalni izdaci 10.000,00 KM
- U k u p n o : 120.000,00 KM

Navedene činjenice su relevantni pokazatelji da traženi iznos budžeta predstavlja stvarno stanje i realne potrebe za neometan rad Tužilaštva BiH u slijedećoj godini, i da bi svako pa i minimalno umanjeње budžeta dovelo do neprocjenjivih negativnih reperkusija na rad ove institucije.

6. PRIJEDLOZI AKTIVNOSTI U CILJU POBOLJŠANJA EFIKASNOSTI RADA U TUŽILAŠTVU BOSNE I HERCEGOVINE

Niz mjera predloženih u Informaciji o radu za 2007. godinu u cilju stvaranja uvjeta za efikasnije ostvarivanje funkcije Tužilaštva Bosne i Hercegovine su realizovane. U protekloj godini usvojena je Državna strategija za rad na predmetima i rješavanje pitanja vezanih za ratne zločine u čijoj izradi su predstavnici Tužilaštva BiH aktivno učestvovali. Predstavnici Tužilaštva BiH učestvovali su kroz rad u raznim radnim grupama u procesu reforme pravosuđa a takođe i reforme policijskog sistema u Bosni i Hercegovini i kreiranju politike kriminaliteta kroz rad u udarnim grupama. Tužioci Tužilaštva Bosne i Hercegovine, naravno, su prije svega bili potpuno angažovani na radu po predmetima, a bili su angažovani i u koordiniranju aktivnosti svih agencija za provođenje zakona na teritoriji Bosne i Hercegovine, kao i u regionalnoj saradnji. U proteklom periodu odvijao se i proces tranzicije kapaciteta i funkcija sa Ureda registrara na Tužilaštvo, izvršena su i određena popunjavanja u kadrovskom smislu kako tužilaca, tako stručnog i administrativnog osoblja. Takođe, preduzimane su i druge mjere predložene u prethodnom periodu u istom cilju, a što je i prikazano u ovoj informaciji.

Bitno je ovdje istaći da strateški cilj koji se odnosi na osiguranje potrebnih finansijskih sredstava za nesmetan rad Tužilaštva nije u cjelosti ostvaren i pored preduzetih mjera od strane Tužilaštva, jer je usvojen Budžet Tužilaštva Bosne i Hercegovine u manjem iznosu od planiranog u Tužilaštvu, što može prouzrokovati probleme u radu.

Iako je niz predloženih mjera u procesu stvaranja potpuno funkcionalne domaće institucije sposobne da u potpunosti ostvaruje svoju funkciju u proteklom periodu, uključujući i period obuhvaćen ovom informacijom, ostvaren, svakako da u tom pravcu treba i dalje djelovati.

U cilju što efikasnijeg vršenja propisanih obaveza i postizanja boljih rezultata, Tužilaštvo Bosne i Hercegovine u narednom periodu kontinuirano će se, između ostaloga, angažovati na uspostavi vladavine prava, uz punu primjenu načela pravde i pravičnosti, uvažavajući najviše standarde primjene i zaštite ljudskih prava kroz implementiranje najviših etičkih i profesionalnih standarda u radu tužilaca i drugih uposlenika, na krivičnom gonjenju i procesuiranju svih krivičnih djela iz nadležnosti Tužilaštva BiH, a naročito u oblastima procesuiranja krivičnih djela ratnih zločina, te krivičnih djela organiziranog kriminala, privrednog kriminala i korupcije, u procesu reforme pravosudnog sistema uključujući aktivno sudjelovanje kod predlaganja i izmjene zakonskih i drugih propisa koji uređuju ovu oblast, a posebno će raditi na izradi novih i primjeni postojećih zakonskih rješenja u cilju onemogućavanja počinitelja krivičnih djela da zadrže nezakonito stečenu korist. Poseban angažman bit će dat na rad po predmetima.

Proces stvaranja pretpostavki i uvjeta za potpuno ostvarivanje funkcije Tužilaštva Bosne i Hercegovine u ovom Tužilaštvu i dalje će se odvijati kroz aktivnosti u svim segmentima djelovanja.

RAD NA PREDMETIMA

Tužiocima Tužilaštva BiH će u narednom periodu raditi:

- Na povećanju broja istraga za najteža krivična djela uz kontinuirano povećanje kvaliteta i profesionalnih standarda, kako u toku istrage, tako i u toku suđenja
- Na koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela
- Na kreiranju politike kriminaliteta u Bosni i Hercegovini, između ostalog i kroz učestvovanje u radu Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti za borbu protiv terorizma
- Na implementaciji usvojene strategije za procesuiranje ratnih zločina
- Na unapređenju kvaliteta rada i profesionalnosti tužilaca u Tužilaštvu BiH
- Na unapređenju timskog rada u pojedinim odjelima Tužilaštva BiH i djelimičnih specijalizacija pojedinih tužilaca kroz održavanje zajedničkih kolegija i prestrukturiranja signiranja predmeta po tužiocima prema afinitetima za pojedine oblasti krivično – pravne zaštite
- Na smanjenju broja starih predmeta, a prema planu rješavanja starih predmeta
- Na unapređenju kreiranja krivične politike Suda Bosne i Hercegovine kroz povećan broj uloženi žalbi, te kreiranja zajedničkih smjernica vezano za sankcije prilikom sklapanja sporazuma, imajući u vidu praksu Suda Bosne i Hercegovine i krivičnu politiku nakon održanih glavnih pretresa, koja će biti osnov za predlaganje sankcija prilikom sklapanja sporazuma.

UČESTVOVANJE U REFORMSKIM PROCESIMA U BiH

U okviru svojih nadležnosti Tužilaštvo BiH angažovat će se:

- U procesu reforme policijskog sistema u Bosni i Hercegovini, kroz aktivno uključivanje i sudjelovanje kod predlaganja i izmjene zakonskih i drugih propisa koji uređuju ovu oblast
- U procesu uspostavljanja efikasnih mehanizama i procedura za oduzimanje nezakonito stečene koristi, te racionalnog upravljanja i raspolaganja oduzetom imovinom, uključujući aktivno učestvovanje kod predlaganja i izmjene zakonskih i drugih propisa koji uređuju ovu oblast
- U radu tima za ocjenu i praćenje krivičnih zakona u Bosni i Hercegovini i drugih radnih grupa u kojima zbog problematike kojom se bave postoji potreba za učešćem predstavnika Tužilaštva.

SARADNJA SA SREDSTVIMA JAVNOG INFORMISANJA

Tužilaštvo BiH aktivno će raditi na:

- Podizanju svijesti javnosti putem sredstava javnog informisanja o ulozi i nadležnostima Tužilaštva, kao i drugih pravosudnih institucija
- Podizanju svijesti javnosti o načinima na koji oni mogu uticati na rad pravosudnih institucija
- Redovnom izvještavanju o postignutim rezultatima u radu i stanju kriminaliteta
- Olakšavanju pristupa javnim dokumentima i informacijama u posjedu Tužilaštva, a naročito putem Internet stranice Tužilaštva
- Unapređenju saradnje sa sredstvima javnog informisanja preko Odjela za informisanje i saradnje ostalih odjela Tužilaštva sa Odjelom za informisanje radi pružanja što kvalitetnije informacije
- Poboľšanju saradnje između Odjela za odnose s javnošću policijskih i pravosudnih institucija u Bosni i Hercegovini radi kvalitetnije koordinacije i pružanja informacija prilikom zajedničkih akcija
- Redovnom praćenju javnog mnijenja i analiziranju rezultata
- Aktivnijem angažovanju na pojašnjavanju problema u oblasti kriminaliteta, u cilju bolje percepcije javnosti o ulozi i radu Tužilaštva BiH, te problemima sa kojima se susreće Tužilaštvo BiH u otkrivanju i krivičnom gonjenju počinitelaca krivičnih djela iz nadležnosti Suda Bosne i Hercegovine
- Edukaciji građana putem medija, predavanja i slično o njihovim pravima u ovoj oblasti

UNAPREĐENJE U ORGANIZACIJSKOM SMISLU

Tužilaštvo BiH izgrađivati će efikasne kapacitete u organizacijskom smislu sa ciljem unapređenja rada:

- Kroz kontinuirano praćenje zakonskih propisa kojima se reguliše rad Tužilaštva i po potrebi iniciranje izmjena i dopuna istih u skladu sa nadležnostima, strukturi i obimu poslova Tužilaštva
- Kroz donošenje novih i izmjene i dopune postojećih internih dokumenata o unutrašnjoj organizaciji i poslovanju Tužilaštva
- Kroz kadrovsko popunjavanje visokostručnim osobljem unapređivati rad cjelokupnog Tužilaštva, a posebno kroz povećanje broja tužilaca i pratećeg stručnog osoblja kao što su, između ostalih, i savjetnici ekonomske struke

- Kroz kadrovsko popunjavanje i reorganizaciju administrativnog odjela radi omogućavanja ostvarivanja njegove funkcije tj. pružanje administrativno-tehničke podrške u ostvarivanju osnovne funkcije Tužilaštva
- Kroz ostvarivanje stalne koordinacije u radu svih odjela Tužilaštva uz konstantne napore usmjerene ka povećanju motiviranosti svih uposlenih u obavljanju svojih poslova
- Kroz ustanovljavanje pododjela ili posebnog odjela za međunarodnu pomoć i saradnju sa pojačanim kapacitetima rada, čime bi se omogućilo uspostavljanje i jačanje kontakt tačke za saradnju tužilaca Jugoistočne Evrope, pa i šire

OSIGURANJE MATERIJALNO-FINANSIJSKIH UVJETA ZA NESMETAN RAD

- Planirati i osigurati potrebna materijalna i finansijska sredstva za nesmetan rad Tužilaštva u okviru zakonom propisanih nadležnosti i postavljenih ciljeva
- Osigurati povećanje prostornih kapaciteta

AKTIVNOSTI U PROCESU TRANZICIJE UREDA REGISTRARA

- Omogućiti nesmetani proces tranzicije kapaciteta i funkcija sa Ureda registrara na Tužilaštvo, kroz postepeni prenos obaveza međunarodne zajednice na domaće institucije

AKTIVNOSTI U REGIONALNOJ SARADNJI

- Razvijati saradnju sa tužilaštvima u zemljama regije primjenom međunarodnih multilateralnih i bilateralnih ugovora o saradnji
- Inicirati uspostavljanje novih mehanizama za saradnju uz unapređenje postojećih
- Kontinuirano analizirati rezultate rada i primjenu zakonskih propisa kojima se uređuje nadležnost Tužilaštva i sveobuhvatna borba na sprečavanju i suzbijanju kriminala
- Nastaviti učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge)
- Potpisati memorandum o razumijevanju o pružanju međunarodne pravne pomoći sa zemljama sudionicama planirane regionalne konferencije tužilaca u Sarajevu (april 2009);

UVOĐENJE I PRIMJENA NOVIH TEHNOLOŠKIH DOSTIGNUĆA

Tužilaštvo BiH i dalje će kontinuirano raditi na primjeni uvedenih tehnoloških dostignuća i na uvođenju novih:

- Uvođenje i primjenu novih tehnoloških dostignuća u radu Tužilaštva, a naročito u pogledu uvođenja sistema za automatsku obradu i upravljanje predmetima, kao i korištenje IT tehnologija
- Primjena pravila i procedura u vezi sa korištenjem IT tehnologija
- Korištenje Interneta i elektronske pošte u svakodnevnom radu u cilju unapređenja protoka informacija
- Informacioni sistem za automatsku obradu i upravljanje predmetima Tužilaštva, u cilju poboljšanja efikasnosti i ekonomičnosti u radu
- Sistem elektronskog pohranjivanja i čuvanja dokaza i drugih materijala u krivičnom postupku za postizanje potrebne efikasnosti
- Korištenje analitičkog software-a za analizu dokaza i drugih materijala, te izradu analitičkih i kriminalističko-obavještajnih izvještaja.

AKTIVNOSTI U EDUKACIJI TUŽILACA I OSTALIH UPOSLENIKA

- Kontinuirano raditi na edukaciji kroz centre za edukaciju
- Uzeti aktivno učešće u kreiranju edukacijskih seminara predlaganjem određenih aktuelnih tema
- Selektivno učestvovati na seminarima u organizaciji raznih državnih ustanova i institucija, te nevladinih organizacija
- Organizovati interne edukacije
- Angažovati se na uspostavi redovnijeg educiranja ostalih uposlenih

7. STANJE KRIMINALITETA U BOSNI I HERCEGOVINI


U 2008. godini u svim tužilaštvima u Bosni i Hercegovini je zaprimljeno 24.267 prijava, protiv 33.410 osoba, naređeno je 21.014 istraga, protiv 28.183 osobe.

U izvještajnom periodu u svim tužilaštvima Bosne i Hercegovine podignuto je 16.638 optužnica, protiv 21.130 osoba, dok je optužnica sa krivičnim nalogom bilo 7.090, protiv 9.484 osobe.


Donesenih presuda u 2008. godini je bilo 14.842, protiv 18.418 osoba.

U nastavku pregleda o stanju kriminaliteta u Bosni i Hercegovini može se vidjeti:


1. Stanje kriminaliteta u Tužilaštvu Bosne i Hercegovine za 2008. godinu
2. Stanje kriminaliteta u kantonalnim tužilaštvima Federacije BiH za 2008. godinu
3. Stanje kriminaliteta u okružnim tužilaštvima Republike Srpske za 2008. godinu
4. Stanje kriminaliteta u Javnom tužilaštvu Brčko Distrikt za 2008. godinu
5. Stanje kriminaliteta u svim tužilaštvima u Bosni i Hercegovini, poređenje 2006-2007-2008.




Pregled stanja kriminaliteta u Tužilaštvu Bosne i Hercegovine za 2008. godinu




Pregled stanja kriminaliteta u kantonalnim tužilaštvima Federacije BiH za 2008. godinu



Pregled stanja kriminaliteta u okružnim tužilaštvima Republike Srpske za 2008. godinu



Pregled stanja kriminaliteta u Javnom tužilaštvu Brčko Distrikt za 2008. godinu



Pregled stanja kriminaliteta u svim tužilaštvima u Bosni i Hercegovini
poređenje 2006-2007-2008.

SADRŽAJ

1.	UVOD	2
1.1.	TUŽILAŠTVO BIH - OSNIVANJE I NADLEŽNOST	2
1.2.	UNUTRAŠNJA ORGANIZACIJA TUŽILAŠTVA BOSNE I HERCEGOVINE	3
1.3.	KADROVSKA OSPOSOBLJENOST	4
1.3.1.	PODRŠKA UREDA REGISTRARA	5
1.4.	REGISTAR PREDMETA	6
2.	ODJELI TUŽILAŠTVA BOSNE I HERCEGOVINE	7
2.1.	POSEBNI ODJEL I - POSEBNI ODJEL ZA RATNI ZLOČIN	7
2.1.1.	DRŽAVNA STRATEGIJA ZA RAD NA PREDMETIMA RATNIH ZLOČINA	7
2.1.2.	PROJEKAT IZRADE BAZE PODATAKA	8
2.1.3.	SMJERNICE U RADU POSEBNOG ODJELA ZA RATNE ZLOČINE	8
2.1.4.	SARADNJA TUŽILAŠTVA BiH SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)	9
2.1.5.	ORGANIZACIJA POSEBNOG ODJELA ZA RATNE ZLOČINE	11
2.1.6.	KADROVSKA STRUKTURA POSEBNOG ODJELA ZA RATNE ZLOČINE	12
2.1.7.	STRUKTURA PREDMETA U POSEBNOM ODJELU ZA RATNI ZLOČIN	12
2.1.7.1.	KT-RZ PREDMETI	13
2.1.7.2.	KTA-RZ PREDMETI	14
2.1.7.3.	KTN-RZ PREDMETI	14
2.1.7.4.	A-RZ PREDMETI	15
2.1.8.	OSTALE PROCESNE AKTIVNOSTI TUŽILAŠTVA	16
2.1.9.	MJERE OSIGURANJA PRISUSTVA OSUMNJIČENOG, ODNOSNO OPTUŽENOG U RADU POSEBNOG ODJELA ZA RATNE ZLOČINE	16
2.1.10.	PROBLEMI S KOJIMA SE SUOČAVA POSEBNI ODJEL ZA RATNI ZLOČIN	17
2.2.	POSEBNI ODJEL II - POSEBNI ODJEL ZA ORGANIZOVANI KRIMINAL, PRIVREDNI KRIMINAL I KORUPCIJU	19
2.2.1.	STRUKTURA KRIVIČNIH DJELA U PREDMETIMA POSEBNOG ODJELA II	21
2.2.2.	PROBLEMI U RADU ODJELA II	23
2.3.	ODJEL III - ODJEL ZA MEĐUNARODNU PRAVNU POMOĆ, TERORIZAM I OSTALA KRIVIČNA DJELA IZ NADLEŽNOSTI TUŽILAŠTVA BIH	24
2.3.1.	STRUKTURA PREDMETA U ODJELU III	26
2.3.1.1.	KT PREDMETI	26
2.3.1.2.	KTA PREDMETI	28
2.3.1.3.	KTZ PREDMETI	28
2.3.1.4.	KTM PREDMETI	28

2.3.1.5.	KTN PREDMETI	28
2.3.1.6.	A PREDMETI	29
2.3.1.7.	PROBLEMI U RADU ODJELA III	30
3.	UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA	31
4.	DRUGI ASPEKTI DJELOVANJA TUŽILAŠTVA BiH	37
4.1.	AKTIVNOSTI KROZ UDARNE GRUPE	37
4.1.1.	UDARNA GRUPA ZA BORBU PROTIV TRGOVINE LJUDIMA I ORGANIZIRANE ILEGALNE IMIGRACIJE	37
4.1.2.	UDARNA GRUPA ZA BORBU PROTIV TERORIZMA I JAČANJA SPOSOBNOSTI ZA BORBU PROTIV TERORIZMA	38
4.2.	EDUKACIJA	39
4.2.1.	OBAVEZNA EDUKACIJA U ORGANIZACIJI CENTARA ZA EDUKACIJU SUDIJA I TUŽILACA	39
4.2.2.	UČEŠĆE U RADU SEMINARA I KONFERENCIJA U ORGANIZACIJI NEVLADINIH ORGANIZACIJA I RAZNIH DRŽAVNIH INSTITUCIJA	40
4.3.	AKTIVNOSTI U OBLASTI ODNOSA S JAVNOŠĆU	41
5.	FINANSIJSKI IZVJEŠTAJ TUŽILAŠTVA BiH ZA 2008. GODINU	42
6.	PRIJEDLOZI AKTIVNOSTI U CILJU POBOLJŠANJA EFIKASNOSTI RADA U TUŽILAŠTVU BOSNE I HERCEGOVINE	46
7.	STANJE KRIMINALITETA U BOSNI I HERCEGOVINI	51